

EXERCITATIO POLITICA
DE
CIVE ET CIVITATE
IN GENERE CON-
SIDERATA

Q V A M

Aspirante Divino Numine

SUB PRAESIDIO

Viri Amplissimi atq; Clarissimi

HERMANNI CONRINGII,

Philos. ac Medicinæ Doctoris, hujusq; & Po-
litices in Academia Iulia Professoris Celeberrimi, S.

R. Majest. Sueciæ Illustrissimi Comitis Ostfriesiæ

Consiliarij intimi & Archiatri.

Domini Præceptoris ac Promotoris sui

æternum venerandi

Publicæ disquisitioni subjicit

AVGVSTVS MILAGIVS
HALBERSTADIENSIS.



HELMSTADII

Typis HENNINGI MÜLLERI Acad. typ.

clō lō c llll.

THE NEW YORK PUBLIC LIBRARY

ASTOR LENOX TILDEN FOUNDATION

500 N. 5TH ST. NEW YORK, N. Y.

1892

THE NEW YORK PUBLIC LIBRARY

ASTOR LENOX TILDEN FOUNDATION

500 N. 5TH ST. NEW YORK, N. Y.

1892

THE NEW YORK PUBLIC LIBRARY

ASTOR LENOX TILDEN FOUNDATION

500 N. 5TH ST. NEW YORK, N. Y.

1892

THE NEW YORK PUBLIC LIBRARY

ASTOR LENOX TILDEN FOUNDATION

THESIS I.

Quemadmodum omni illi, qui de Republica ejusque speciebus dextre atque ordine disputare velit, necessario incumbit, aliquam de civitate ejusque natura præmittere tractationem, ita & nobis ingenij exercendi causa de civitate, id quod bene vertat Deus, acturis in civis ipsius essentiam fuerit inquirendum, siquidem & vestigia nostri Aristotelis hanc consequentiam 3. *Polit. 1.* initio peccantis, & methodum ejus *ἐμφανίζουσιν* sequi velimus, qui satis graves causas sui reddit instituti. Cum enim in ipsa de civitate tractatione frequentes de civibus incidant controversiæ, quumque civis definitionem civitatis ingrediatur, utique nec hæc accuratè constitui, nec illæ commodè componi, nisi perspecta civis natura possunt.

I. Quoniam vero vocabuli civis ambiguitas doctis paciter ac indoctis jam tum ab Aristotelis ævo imposuit, & hodiernum multis erroribus facem ac occasionem præbuit, de tollenda ea ante erimus solliciti, quam ad extruendam civis definitionem (à qua omnis de re aliqua suscepta institutio proficisci debet *Cic. lib. 1. de offic.*) nos accingamus.

II. Primò autem civis nomine vulgò venit omnis subditus; Quo spectant ij, qui civem per subjectionem definiunt, ut Bodinus *1. de Republ. 6.* & alij. Qui in duplici errore nobis versari videntur, cum quod hoc modo in ci-

vium numerum inquilinos & servos (quos utique subditos esse frustra quis negaverit) etiam referant, tum quod non satis civitatis naturam percipiant, unde cives appellationem nanciscuntur. Civitas scilicet non denotat quamvis multitudinem hominum, sed societatem quandam, cujus partes essentielles sunt cives. Iam vero non omnis qui vivit in civitate aliqua statim & socius revera est, aut societatis particeps, nisi per improprie vocem societatis usurpes.

IV. Secundò nonnunquam ij tantummodò cives appellantur, vel appellari volunt, qui ex utroque parente cive prognati sunt, sed jus civitatis ab ava quoque & proavo repetere possunt: Qui ceteros Patre tantum vel Matre cive ortos nothos appellant. Hæc significatio Athenis annitente Pericle ita invaluerat, ut in jus paulatim verteretur, & spurij loco, (referente Plutarcho in *Themistocle*) esset, qui ex alterutro tantum parente cive nasceretur: quam legem non tantum Aristor. noster 3. *Polit. c. 1.* unâ cum Gorgiæ objectione, egregie refutat, sed & ante eum, occasione ejusdem Periclis, abolitam fuisse memorat in vita ejus Plutarchus. Hujus enim unicum filium ex muliere externa susceptum nomine Paterno in curia censi senatus jussit. Et vero quæstio est politica num qui alterutro Parente duntaxat nati sunt cives, in civium numero haberi debeant, necne: cur item aliquis omnino peregrinus debeat admitti? Soletque decidi ex usu reipublicæ cujusvis, quarum alij atque alij hoc vel illud convenit: nec enim in his aliquid est, quod perpetuo & in omnibus civitatibus habeat locum.

V. Tertiò denique civis nomen usurpare possunt pueri ex Patre cive nati, senes item depontani, & ij, qui ad certum tempus ex civitate relegati sunt 3. *Polit. c. 1.* Sed quum

quum omnibus pro tempore facultas suffragij ferendi & judicij administrandi desit, liquido patet, eos non ἀπλᾶς, sed secundum quid civium mereri nomen. Pueri scilicet, quod quando per ætatem licebit, jam αἶψα sint socij: senes, quod fuerint & sola ætate reddantur inhabiles: exules item quod cum jus civitatis habeant, in pœnam careant. Honorarij vero cives tam longe à natura veri civis absunt, quam quondam is, qui odore carniū pascebatur, à carnibus ipsis. Qui autem præter hos nobis jam recensitos, hoc nomine vulgo veniunt (ut, v. g. οἱ δὲ τοῦ συμβόλου κοινωνῶντες) eos quia una lituræ è catalogo civium delet Philosophus citato sæpius cap. 1. Idcirco nobis hic licebit esse brevioribus. Hæc illa vocis hujus in signis ambiguitas in causa procul dubio fuit, quare à multis hodiernis Politices scriptoribus essentia veri civis non indagata, aut extranea ferme admisceantur, aut vero cives cum municipibus mire confundantur. Quod admiratione non egere ait Besoldus 1. Polit. XI. §. 1. quum quilibet se ad normam suæ civitatis, vel usitata etiam loquendi consuetudinis accommodet. Nunc postquam vocem ab ambiguitate, quantum instituto nostro sufficere arbitramur, liberavimus, ad indaganda ea, in quibus essentia civis consistit, duce eodem Aristotele perrecturi sumus.

VI. Sicuti autem in omni in universum societate is socij demum appellationem meretur, qui salutem societatis per se promoveri velit & possit, (quod exemplo à navigantibus petito ostendit Aristoteles 3. Polit. c. 3.) ita nemo in πληροτάτην illam κοινωνίαν, (uti in simili re à minori ad majus argumentatur Philosophus 1. Polit. 2.) admitti debet, qui tali facultate destituatur, qua finem civitati propositum pro viribus possit adjuvare. Quamvis autem bene multa sint, quæ partibus civitatis hic incumbant,

bant, eorum tamen summa genera ex Philosopho exhibebimus, cujus præclara verba & ad nostrum propositum congrue accommodata *ex 4. Polit. 14.* non possum quin adscribam. *Tres autem sunt omnes Rerump. partes inquit, quibus præclare constitutis necesse est & ejus species eo ipso inter se dividi, quos singula hæc partes differunt. Atque ex his tribus partibus una quidem versatur in publicarum deliberationum facultate: Secunda in magistratibus: Tertia in judiciis.*

VII. Tamen si vero primam istam partem, i. e. facultatem dextre de rebus communibus deliberandi in cive suo expresse requirere non videtur Aristoteles; id tamen nondum in certitudinis cujusdam istud, ex quo civis definitionem jam tradituri sumus, fundamentum arguit; nam voce *ἄρχης*, qua Aristot. in definitione civis jam utitur, non magistratus tantum, sed & jus suffragia ferendi designari, Piccartus & Giphanius existimant. Quamvis non desint, qui voce *κρίνων* hanc deliberandi potestatem comprehendi volunt.

IX. Cum itaque jam ea à nobis sint exposita, quarum respectu quis maxime finem civilis societatis participat, non ultra dubitamus civem cum Aristotele definire: *τοῦ τῆς κρίσεως καὶ ἀρχῆς μετέχοντα*, socium civitatis, qui imperij & judiciorum civitatis istius particeps est vel esse potest. *3. Polit. 1. & 2.* Hac semper observata proportionem ut is magis vel minus civis dicatur, qui magis minusve de fine civitatis participat. Quia enim imperium, suffragia & judicia in rebus publicis usque aded variant, ut inde tot diversæ oriantur species, quid mirum fuerit, si hæc definitio omnibus civitatum socijs ex æquo accommodari nequeat, in qua Philosopho ad potissimum analogatum respiciendum fuit, (est enim civis è numero eorum, quæ dicuntur ab uno) quando ipse monet *1. Polit. 3.* perfectissimum

munum quodque in suo genere definiendum esse, quod inferiora magis minusve Participent. Ad hæc veri civis essentialia respexit Homerus, quando Achillem de injuria sibi ab Agamemnone illata sic conquerentem inducit: Illiad. 9.

Μήσσωμαι ὡς μ' ἀσύφηνον ἐν Ἀργείοισιν ὄρεξεν

Α τρεῖς δὲ, ὡς τὶν ἀτίμητον μεταιδέσθην.

Scilicet argumentamur is à posteriori, quod, quoniam sibi nullus ad honores aditus pateret, civis quoque loco non haberetur. Conveniunt quoque nobiscum omnes ij Doctissimi Viri, qui Venetijs solos Patritios, in Polonia solos Nobiliscives esse volunt.

IX. His ita recte intellectis facillimo negotio occurri potest Ioanni Bodino, qui definitionem nostram ex hoc capite rejicit, quod stante ea subditis hoc modo è civitate sublatis magistratus officium insuper eludatur. Ad quosenim, inquit, pertinebit jussus magistratus, si omnes cives ipsi sunt magistratus participes? Clarissimus Arniseus ad infirmandum Bodini argumentum ait, Aristotelem loqui de cive reip. potestati nondum subjecto, qui æquali etiamnum jure cum reliquis civibus gaudeat. Quæ ut maximè ita se habeant, nos tamen aliunde quam ex ipsomet Arist. responsionem ad tam clumbe Bodini argumentum minime petemus.

X. Primo enim quod supponit iste, hac posita definitione suditos è civitate tolli, id nos pernegamus, quia non ilico ipso actu gerit magistratum & judicijs præ est, qui facultate ejusmodi munia obeundi est instructus. Neque enim omnes una his officijs præ esse possunt, sed requiritur, ut idem (si aptus imperio civili esse velit) parere quoque didicerit. Hinc est, quod Aristoteles civem 3. Polit. 3. definiat *μετέχοντα τῇ ἀρχῇ καὶ ἀρχαῖον*, imperandi & paren-

parendi virtute præditum, Præclare, ut solet, M. Tullius l. 3. de LL. *Non solum magistratibus præscribendus est imperandi modus, sed & civibus obsempendi. Nam & qui bene imperat, paruerit aliquando necesse est, & qui modeste paret, videtur, qui aliquando imparet, dignus esse.* In Regno certe aut tyrannide, ut & in Aristocratijs nihil causæ habet cur timeat de minuendo subditorum numero Bodinus, cum unus in ijs vel paucissimi tantum facultatem suffragij ferendi, & iudicandi explicare queant. In statu vero populari & Democratia, quibus principaliter nostra definitio competit, alternant parentium (uti diximus) imperantiumque officia, nec imperandi facultate, sed certis quibusdam signis, & coërcendi potestate subditi ab imperantibus distinguuntur. 1. *Polit. ult.* Adeo ut hic quoque timore isto nos liberatos esse videamus. Non dicam jam, quod numerum subditorum augeat inquilinorum & opificum multitudo, ex quibus illi quidem subditi, cives vero non sunt; hi vero partim cives sunt, partim non; uti è seqq. apparebit.

XI. Quæ alias de Atheniensibus à jure suffragiorum exclusis subicit Bodinus, ea quum doctissime à Piccarto, Arnisæo *Polis. c. 6.* & Besoldo 1. *Polis. c. XI.* sint confutata, huc transcribere super sedemus. De falsitate definitionis Bodini, qua civem per liberum hominem potestati alienæ subiectum definit, demonstranda magnopere non laboramus, sed ad ea, quæ portio faciunt ad vindicandam nostræ definitionis veritatem progrediemur.

XII. Iudiciorum autem (1) civem nostrum volumus esse participem ut de privatis & publicis causis jus reddere possit. 4. *Polis. c. 16.* Circa hæc enim officia iudicum veterani notat Polybius *hisor. VI. iudicia*, inquit, *publica in uno quoque Regno constituta, quæ privatorum lites decidunt, &*
scelere

scelera publica puniant, & provinciarum seu partium Regni lites inter se dirimant. Non autem audimus eos, quos ætas Aristotelis tulit, qui juris dicendi facultate instructio nomen magistratus non convenire, & hac de caussa hoc munus nequicquam ad essentiam civitatis facere arbitrabantur. *3. Polit. 1.* Etenim, quocunque tandem nomine designes judicem, historiæ certæ documenta nobis certissima exhibent, magni ab omni ævo habitum judicium in Rep. munus, neglectumque judiciorum temp. in extrema pericula conjicere posse, ut adeo vel hoc uno nomine, si maxime magistratus nomen minus recte ijs competat, ad constituendam civis definitionem merito assumi debeat juris dicendi facultas. Deinde, quod caput est responsionis nostræ, id, ex quo hanc consequentiam deducunt (nimirum iudices nihil cum officio magistratus habere commune) evidenti falsitate laborat; Fieri enim ferme non potest, ut iudex omni omnino coercendi vi penitus destituatur; nam cui jurisdictio data est, eidem quoque ea concessa esse videntur, sine quibus jurisdictio commode explicari nequit *l. 2. de jurisdict.* Quin in Romana Rep. jurisdictio jure magistratus competebat; unde manus militaris, & mandate jurisdict. (mandare autem eam non poterat, nisi qui jure magistratus habebat) in jure fit mentio, de quo latè *Sutholius Dissers. de jurisdict.*

XIII. Quando (2) civem ex imperio æstimari volumus, mixtum (liceat nobis distinctionem Romanis usurpata ad nostrum institutum transferre) non tantum, sed etiam merum imperium designamus. Illud enim civis nostri officium exhaurire nequit, cum nudæ tantum jurisditioni videatur inservire: *Suth. de jurisd. th. 238* Si vero id mirum alicui videri possit, quod id, quod summa potestas sibi soli reservat, omnibus civibus commune esse

dicamus, is attendat, nos hic considerare civem nondum summæ potestati subditum, & qui & ipse aliquando summæ istius potestatis particeps fieri possit. Sic & majestati soli competit, ordinare magistratus & judicia, attamen propterea non sequitur, hæc duoad civis essentiam necessario non requiri. Attendat porro civem nobis maxime in Democratia & statu populari constitutum definitum fuisse, in quibus Rerump. speciebus omnino per est necessarium, uti cives hac imperandi facultate sint aliquatenus instructi. Denique advertendum est, nos non à singulis civibus exercitium meri imperij exigere, sed facultatem illam atque illud jus quo aptus est, ad id, sicubi occasio ferat, capeffendum.

XIV. Ius denique (3) suffragiorum civi nostro ascribimus, sive id τῆς κτίσεως, sive cum Piccarto τῆς δέξεως complectaris. Est autem id usque adeo proprium veri civis πολιτῆρος, ut officio suo nullo modo defungi dextre possit, nisi deliberationibus & suffragijs ferendis adhibeatur. Evincimus id hoc argumento: Quicumque salutem civitatis ope consilioque pro viribus juvare tenetur, is ad suffragia in magni momenti negotijs admitti debet. Atqui omnes cives. E. Quomodo enim suppetias feret Reip. qui morbos ejusdem ignorat? Et quomodo quis membrum societatis audiret, qui ad sententiam de rebus ad societatem pertinentibus dicendam non adhiberetur? Sane plebs Romana, antequam ad suffragia & honores admitteretur, conqueritur, sibi nec in consortio, nec societate Reip. esse licere apud Livium VI. Cap. 37. Quod tamen cum dicimus, non ita accipi sententiam nostram volumus, quasi omnes cives de quibuslibet negotijs ferre suffragia deberent, (hoc enim & immensum laborem, & liberalius, quam in quosvis promiscue cadit, onus exigat)

git) sed potest à civibus in quibusdam (minoris præsertim momenti) negotijs aliquibus potestas definiendi & decidendi committi, qui ea autoritate armati universum populum repræsentant. Omnes autem ij Doctissimi Viri, qui suffragiorum jura à civibus abesse posse existimant, videntur non tam rem ipsam, & definiti ab Aristotele civis perfectionem, quam mores Romanæ Reip. spectasse, in qua multi civitatem, sed sine suffragio sunt adepti. Gell. 16. c. 13. Liv. Cic. passim. Accidit nempe frequenter, ut à splendore & magnitudine Reip. Romanæ deceptis mores ejusdem pro communibus & universalibus præceptis venditentur. De tribus autem his essentialibus notis latius & distincte agentem vide Philosophum 4. Polit. c. 14. 15. 16.

XV. His ita positis, manifestum (opinor) erit, primo quibus de causis Aristotelis noster civem in statu populari & Democratia maxime definitum esse affirmet, nimirum non tam, quod optima Respublica, si introduci posset, popularis futura esset, (hoc enim ad Democratiam applicari nequit per ea, quæ contra Platonem disputat Philosophus 4. Polit. cap. 2.) sed quia in his speciebus nihil ferme, quod alicujus est momenti, definiri solet, nisi sciente & approbante multitudine. In alijs autem Rebus, necessitate tantum postulante conciones indicuntur, ac paucissimi ad suffragia de re communi ferenda admittuntur, uno vel oppido paucis Remp. occupantibus. In hanc sententiam Cicero civem definit, quod sit, *qui non potest patriam in suâ civitate potentiam, quæ supra leges esse velit.* Quæ certe definitio omnium optime statui populari & Democratijs applicatur. In tyrannide enim, regno & Oligarchijs legum claustra facillime petrunt summæ potestates.

XVI. Secundo: in quantum variæ vocis hujus si-

gnificationes supra nobis recensitæ à genuina nostra abeant, & quare factitijs, infamibus, inquilinis, pueris & decrepitis nostram definitionem minime dixerimus convenire. Argumentum evidens est, maiorem scil. tibi perpetuo ipsa definitio civis suppeditat, sub qua si sublumferis servos, inquilinos &c. omnibus sententiæ nostræ ratio abunde constabit. Illud tamen inter eos, quos jam modo exclusimus, discrimen existit, quod factitijs, pueris & senibus, etsi *πράτως* quidem ac per se cives appellari nequeant, non tamen intrinsicum aliquod vitium in hæreat, sed illis quidem novitas, (quemadmodum Cicero à Salustio novus homo vocatur) posterioribus utrisque vero ætas obstat, quo minus imperium & iudiciorum potestas illis communicetur, vel communicari possit. Reliqui autem, ut infames, exilio perpetuo multati, alio vicio laborant, quod ipsis spem capessendorum istiusmodi honorum fere penitus adimit. Servorum paulo post mentionem faciemus, quando de modis, quibus quis iura civitatis consequitur, acturi sumus. Illi vero, qui jus vocandi civem in iudicium, & coram iudice comparendi per fœdera sibi acquisiverunt, (ita nimirum *τῇ σὺμβολῇ* plerique interpretantur) idcirco veri cives non sunt, quia unus duarum civitatum verus & omni modo proprie ita dictus civis esse non potest. Quum enim civis omnem operam, cogitationes, bona, ipsum denique sanguinem in usum civitatis suæ convertere vi iuramenti, & omnis inter homines initæ societatis exemplo teneatur, qui quæso id duabus civitatibus revera distinctis, sibi que non subordinatis in solidum præstabit? Præsertim cum facillime eveniat ut civitates illæ vel dissideant in ipso scopo, vel ita colliment in unum scopum, ut studia in diversa imo contraria rapiantur. Iure Romano certe in aliam civitatem
rece-

receptus amittabat Romanam, 3. *Cic. pro Catinna*, adeo ut Atticus beneficio civitatis. Athenienſium uti noluerit, *Corn. Nepos in vit. Att.* ne jaſturam Romanæ facere civitatis. In qua uſu receptum inſuper erat, ut jus civitatis conſecuturus fortunas ſuas Romam transferre fuerit coactus. Quod vero idem Cicero, 2. *de LL.* duplicem ſibi patriam eſſe affirmat, unam loci, in qua genitus, alteram juris, in quam translatus ſit, id noſtram theſin nullo modo convellit. Is enim non de duabus ſpecie diſtinctis civitatibus loquitur, ſed de Arpino & Roma ſimul, quæ omnes etiam colonias & municipia ambitu ſuo compledebatur; Erat enim Roma communis omnium municipium tum Patria *l. 33. ad munic.* Neque id alio ſenſu accipiendum fuit, quam ſi nos pro juris Patria Remp. Germanicam, pro loci vero patria municipium hoc aut illud agnoſcamus, cum tamen revera iſtud municipium in civitate Germanorum contineatur.

XVII. Hoc loco, quamvis extra propoſitum noſtrum ſit, annotari fortassis meretur, quod, cum noſtra Reſp. in tot tamque diverſas partes ſit diſcerpta, & jus temporarium præſecturarum in *ἀποκράτειας* ferme abjerit, adeoque quilibet principatus ſingularem propemodum civitatem conſtituat (vid. Bachov. in Treutl. *Vol. 1. diſp. 3. ſb. 6. Lit. E.* & citatum ab illo Andr. Knichen *de jure terris. c. 1. n. 65.*) magis proprie ſubditi alicujus territorij, ejusdem quoque cives vocentur, dummodo facultate conſultandi, judicandi & magiſtratus gerendi in iſto territorio polleant; Magis, inquam, propriæ quam uſu Romanæ vel Græcarum civitatum, quæ omnia municipia & provincias ſibi ſubordinatas habebant, ita ut non niſi magiſtratus in provincijs earum diſioni ſubjectis domo miſſi jus civitatis participarent, nec præſecturas in *ἀποκράτειας* tranſire partici-

tiebantur, existimantes cum Seneca, *nihil tam utile esse, quam brevem potestatem*, quæ magna sit. Quæ an ita se habeant, nos hoc loco non disceptamus, quo maturius ad ea, quæ ex definitione nostra deduci possunt, revertamur.

XIIX. Pendet autem ex ea Tertio decisio variarum, quas c. 1. & 3. movit, questionum (1) An servi & peregrini à Christhene in numerum civium à sciti justi cives sint, nec ne? Quod quia aliquam dubitationem in animo legentis forsitan excitare possit; secundum mentem Philosophi breviter dissolvemus. Distinguit autem is inter non justum & injustum; Et injustos quidem eos cives non esse affirmat, propterea quod ab eo, qui tum ad clavum Reipublicæ sedebat, in civium numerum aggregati erant, adeoq; bono nitebantur initio. Non justos autem recte vocari, quia ijs nondum fuissent instructi dotibus, quæ cives ad munus hoc tuendum idoneos reddunt. Ea quippe adhuc agunt, quæ cives illegitimi, & nullo bono titulo nixi. Hæc autem distinctio inter injustas & non justas actiones cum adducitur ab Aristot. 5. *Eth.* 1. tum exemplis de LL. *πῶς* & *ἀπλῶς* justis, & actionibus, quas ignorantes & propter ignorantiam exercemus, illustratur ab eodem 3. *Eth.* 5. Cui plane geminum est, quod l. 11. de *just. & iur.* Paulus respondet: prætorem etiam tum jus dicere, cum inique decernit. Scilicet facit is quidem, quod injusti faciunt, verum quoniam à summa potestate Prætor constitutus est, injustum eum, & latas ab eo sententias injustas, appellare nefas est.

XIX. (2) Quid interviri bonum & civem bonum discriminis interlit? Nimirum civis bonus est, qui facultate judicia & magistratus administrandi, & suffragia de summa Reip. bene ferendi est instructus. At vero vir
bonus

bonus est, qui munus suum proprium (secundum quod quilibet bonus vel malus, prout in eo vel præstat vel deficit, prædicatur,) i. e. virtutis actus bene potest exercere. Equidem & possunt hæc in unum idemque subiectum cadere, & optime nobiscum, rebusque Christianorum publicis ageretur, si ij, qui civium bonorum & verorum laudem præ alijs affectant, ad virtutem etiam, & eam quæ virtutum merces est, gloriam serio aspirarent. Tenendum id autem contra eos qui eos demum curandæ & administrandæ rei communi aptos censent, qui ipsam pietatem & morum honestatem insuper, fas & nefas juxta habent, dummodo se hac ratione boni civis officio præclare functos glorientur: Quod pestilens dogma eximis fundamentis convellitur ab Excellentissimo Domino Præsidente *in lib. de Civili prudent. cap. 2. & Hug. Grotio in aurea præfat. libro de jur. belli. & pac. præmissa.*

XX. (3) An opifices recte civibus annumerentur? quamquæstionem quia late pertractat Arist. 3. *Polis. 3. & 7. Polis. 8.* nos summa tantum capita paucis attingemus. Et quidem hoc in unum versum certum est, quod opifices, cujuscunque sint generis, salutem civitatis si non alia quapiam re, saltem numero (ut Plutarchus agebat) juvent: At tamen obinde pars civitatis cujuscunque non sunt. Non enim procedit, inquit Philosophus 7. *Polis. c. 8.* in hac majori consequentia: sine quibus Civitas consistere nequit, ea sunt pars civitatis. Distinguendum igitur primo locum nobis esse videtur inter opifices liberales & illiberales. Illiberales, (*βαναύροι* Aristoteles vocat,) simpliciter excludimus, quia dum singulis diebus manibus suis victum sibi parare tenentur, reipubl. salutem parcius curare, nec inter tam sordidas artes animos ad nobilissimam hanc curam attollere & elevare possunt: Multo vero minus magistrat-

gistratibus gerendis & deliberationibus instituendis erunt idonei. Liberales vero opifices, (*πρῆταξ* dixerimus poterunt sibi aliquam consulendi atque judicandi facultatem parare, quo civium munera obire, ac magistratus (cum primis in statu populari & Democraticis, in quibus census est mediocris,) capeßere queant. Quæ etsi ita se habeant, notat tamen Arist. 3. *Polit.* 1. plerumque hos opifices vano civis nomine lactari, atque hoc quasi delinimento à rebus novandis averti. Ad extremum sciendum est, olim in Græcis & Romanâ Respubl. quæstionis hujus usum exiguum, difficultatem pene nullam extitisse, quontam vicem opificum tum temporis servi aut peregrini, aut summum liberti plerumque obire, uti autor est Plut. in *Lyc.* Dionys. Halicar, *lib.* 9. Vnde non est, quod miremur, si omnem de hac quæstione Aristotelis nostri disputationem eo tendere deprehendamus, quo opificibus jus civitatis penitus abjudicet.

XXI. Incidit hic quæstio satis difficilis, & à paucis hætenus agitata. An civis alterius populi judicio à sua civitate permissus, jura suæ civitatis retineat necne? Et negativam quidem valde probabilem facit (1) Quod civitas cum, quem hoc modo judicandum alijs permittit, sua societate velit ejectum, præsertim cum ipsamet aliquin pœnas de eo sumere potuisset; ubicunque enim aliquis dedi petitur, tum optio civitati relinquatur aut poniendi suum civem aut vero puniendum dedendi. (2) Quod infames, quales esse præsumuntur, qui tam graviter civitatem aliquam læsere, ut eos sibi dedi postulet, vel Aristotele teste civium numero, minime censcantur. Verumenimverò istæ rationes rem nondum consiciunt, & nos non prius de hac quæstione mentem nostram aperire poterimus, quam duos distinxerimus casus. Primo

an populus iste, cui reus deditus est, eum receperit ple-
ctendum, an verò suæ civitati (uti Posthumio Samnitibus
dedito contigisse Liv: memorat *lib. IX. cap. 10. 11.*) restituat.
Deinde, an delictum in populum deditiōnem poscentem
ipso jure, an sententia demum interposita infamet. Qui-
bus ita suppositis sententiam nostram his assertionibus
includimus. *Una* est; si populus iste civem sibi permis-
sum receperit, tum nulla habita ratione delicti, ab alie-
natur jure civium, & postea aliquo casu reversus novo
beneficio ad consequenda civitatis jura indiget. Idque
probat ratio supra allata prima. *Altera*. Si populus uti
noluerit permilla sibi plectendi potestate, & delictum in-
famiae poenā lege expressa non coërceatur, tunc retinet
tamdiu jura civitatis donec civitas eum societate inter-
posita judicis sententia excluderit. Ratio hæc est, si enim
de infamia non nisi per judicis demum sententiam defi-
nitivam constat, utique restitutus is pristinae famae vide-
tur, quamdiu civitas eum per judicem societate non eje-
cerit. Interim tamen liberum est civitate arbitrium, eum
vel poena afficiendi vel absolvendi. Et per hanc assertio-
nem restringitur ratio negativam tuentium postrema. *Ter-
tia*: si delictum ipso jure infamet, tum etsi populus læsus
remittat injuriam sibi illatam, nihilominus is eo loco cen-
setur, quo infames. *Pol. 1.* Aristot. habet, nempe civita-
tis membrum tamdiu esse desinit, donec restituatur. V.
hic H. Grotium *de jur. bel. & pac. lib. 2. cap. XXI. §. 4.* ex quo
fundamenta hujus quæstionis depromimus. & de infa-
mia, quam lex & judex irrogant VVesemb. *Paras. de his qui
not. inf. §. 6.*

XXII. Quæstiones alias, quæ occasione harum ab
Interpp. magno conatu agitantur, data opera præteri-
mus, & antequam ad alterum disputationis nostræ n em-
brum

brum tranſeamus; modis, quibus quis in civilem illam ſocietatem aſciſcitur, enarrandis paululum immorabimur. Etenim ſi ijs, quos primitus mutui ſubſidij neceſſitas & amor vitæ beatæ conjunxit, vita pedentim ſun-ctis, civitas novis & ſuccreſcentibus membris redintegrari debet, utique hoc ſaltem nomine non indigna erit tractatio, quæ hoc loco à nobis inſeratur. Quanquam autem modi iſti pro diverſitate rerump. varient, nos tamen de ijs afferendis tantum ſolliciti erimus, qui majorem cum ipſa natura civitatum, & Gentium jure convenientiam habere videbuntur, quorum in univerſum tres reperire licet.

XXIII. Primus iſque præcipuus eſt Nativitas: Quam enim liberi juxta Ariſt. 8. *Ethic.* 12. ſine pars Parentum, omnesque exteros affore erga Patriam ſuperare credantur, merito ex Parentum perſona jus civitatis ſortiuntur communi Gentium more, & præſenti civitatis commodo. Nam eos præ alijs ſolemus ſocietati aſcribere, de quorum erga ſocietatem ſtudio ac favore nobis certo conſtat. Ideoque ijs gentibus, qui ſingulari nominis gloriam affectarunt, accurate obſervatum fuit, ut nullos niſi ex cive natos civitate donarent. Athenienſes ſuos hoc nomine prædicat *αὐτὶς ἰσθῶς*. Iſocr. in *Paneg.* (quanquam alij per *αὐτὶς ἰσθῶς* indigenas illos, quos è terra hinc inde prognatos vulgari errore credebatur, intelligant) Vlpianus in *l. 1. ad municip.* nativitatem primum acquirendæ civitatis modum facit. Nostros quoque Majores minime aliarum gentium adventibus & hoſpitijs mixtos fuiſſe aſſeverat Tacitus *lib. de mor. Germ. cap. 2.* Duo autem nobis ad diſtinctam hujus rei cognitionem tradenda ſuperant (1) Requiritur, ut nati infantis Pater civis fuerit: Quoniam enim jus omne liberi hoc caſu ex perſona Patris nanciscun-

ciscuntur, non potest in Filium aliquid juris derivari, quod
 in Parente non erat. Mater vero jus civitatis in liberos
 transferre non potest, nam etsi Matris quoque pars libe-
 ri rectè vocentur, tamen in civilibus Patrem tanquam di-
 gniores sequuntur, id quod jure Romano satis constat
ex l. 19. de stat. hom. Deinde, si è matris quoque persona
 jus civitatis in liberos transferretur, utique facillimo ne-
 gatio contingere posset, ut quis duarum diversarum ci-
 vitatum civis existeret, quod, ut *th. 16.* annotavimus, veri
 civis officio & civili cum primis societati, ad quam omnes
 fere civium actiones referri posse Grotius docet *de jur.*
bell. & pac. lib. 1. c. 5. §. 23. adversatur. Plane quemad-
 modum in diversis rebus publ. à jure naturæ & Gentium,
 vel per determinationem, vel non assistentiam LL. civili-
 um receditur. Vid. Ampliss. Dn D. Hahnium *in observ. ad*
VVesemb. de just. & jur. nat. XV. ita & multo magis non ob-
 stante communi hac consuetudine, uxoribus interdum
 jure civili hoc beneficium concedi potest, quod Ponticis
 competere refert Celsus, ut qui matre Pontica natus es-
 set, sit Ponticius *l. r. §. r. ad munic.* Quando vero Patrem ci-
 vem esse volumus, eo ipso eorum refellimus opinionem,
 qui commorationi vel domicilio Patris tantundem effi-
 caciæ in tribuendis civium juribus assignant, quod nimis
 absurdum est. Quænim si filius membrum esset societatis
 alicujus propter Patrem, cujus ipse socius non sit? Huc
 dubio procub respexit, Eduardus I. Angliæ Rex, qui Wal-
 lis natos extra fines suos Principes detrectantibus, uxo-
 rem prægnantem in Valliæ fines duxit, ut futurum Re-
 gionis Principem in ipsa regione eniteretur Arnis. *relect.*
Pelle. lib. 5. cap. 5. sect. 10. n. 1. (2) Tenendum est, quod na-
 tivitas quanquam modus sit tribuendi civitatem præstan-
 tissimus, non tamen statim in locum & jus Parentum re-

cens natum infantem plene & simpliciter sufficiat: Cui-
cunque enim adempta est potestas tractandi ea, quæ ad es-
sentiam civis debent concurrere, is ἀπλῶς civis appellari
nequit. Atqui infantibus & pueris in tenera ætate est
adempta. E. ii nequeunt &c. Aristoteli cives imperfe-
cti dicuntur 3. *Pol. 1. & 1. Pol. 8.* Illud vero spatium, intra
quod ejusmodi puer ad maturitatem judicij pervenire
potest, plerumque certo annorum numero in bene con-
stitutis Rebus publ. definiti solet: Etiam si enim fortassis
unus & alter velocitate ingenij ætatem ipsam transgre-
diatur, tamen ad præcavendas æmulationes, & tollen-
dam à Republ. invidiam satius visum fuit, omnibus pro-
miscue certum fixumque tempus statuere, ne adolescen-
tes, qui in optimam partem cognoscuntur, stupiditatem
ingenij tam gravi atque manifesto dedecore luere cogan-
tur. Athenis cives hī imperfecti ad civilia munera prius
non admittebantur, quam nomen apud populares tabu-
lis Lexiarchicis professi essent, Romæ verò, cum togam
virilem sumissent. Et hæc de primo modo, per quem
civitas obtineri potest, quo solo vivunt Patritij Veneri,
cujus rei causam copiose describit Machiavell. *discurs.
lib. 1. cap. 6.* Alibi hujusmodi cives Hybridæ dicuntur,
Kirchn. disp. Pol. XV.

XXIV. Operæ pretium fuerit, si quæstionem hic ad-
miscamus non plane sterilem, an civem hujusmodi Ori-
ginarium (de adoptato enim, cum tam arcto vinculo non
teneatur, res multum dubitationis non habet) in aliam
civitatem commigraturum invitum civitas retinere pos-
sit? Et pro affirmativa quidem militat amor partim Pa-
trix, quæ maximam ortus nostri partem sibi vendicat.
Partim, quod novæ civitati fidem nemo possit dare, quam
prior civitas non remiserit, quodque à contractu perfectò
&

& consummato resilire invita altera parte non liceat. Ar-
tamen, si quaestionem non quidem ad Romanæ Reipubl.
LL. (quibus cives injussu Principis Italia excedere pro-
hibebantur) sed naturæ & Gentium jura examinaveri-
mus, contrariam sententiam tuebimur, servaturi regulam
naturalis æquitatis, ut liceat civi indicto prius abitu alio
migrare, dummodo id civitati nullum periculum vel da-
mnum creet, aut minetur. Argumenta pro altera sen-
tentia quod attinet, ea non sunt tanti ponderis, ut evin-
cant, quod illi volunt. Etenim illud quod quilibet bonus
civis se non sibi tantum, sed Patriæ etiam natum memi-
nisse debeat, non impedit, quo minus sine incommodo
Patriæ tuam conditionem meliorem reddere possis, quin
ad id te lex Dei & naturæ instigat. Sed in eo Patriæ amor
subsistit, ut si tua & publica salus in pari discrimine ver-
setur, tu vi hujus amoris hanc tuæ anteponas. Unde tum
dum argumentum primum efficax est, quum civis dis-
cessurus proponitur, quando civitatis, cum non discede-
re, ullo modo interest. Quæ ultimo loco de obstricta fi-
de & contractuum natura afferebantur, ea omne punctum
non ferunt. Nam primo, cum tacito consensu hæc so-
cietas inita & nullis expressis regulis firmata sit, hanc sem-
per adjunctam habere conditionem præsumitur, ut in tuo
arbitrio positum sit, abire societate, vel in eadem perma-
nere, maxime, si finem, ob quem te cœtui cuidam aggre-
gasti, aut plane non, aut vero in alia aliqua civitate recti-
tus obtinere licet: Id quod nec à jure civili abhorret,
quod renunciationi non fraudulentæ favet *§. 4. Inst. de
soc. in societatibus*, quæ omnium maxime pro fundamen-
to amicitiam habent. Hæc tamen ubique cautio adhi-
benda est, ne ex abitu illo in discrimen salus publica ad-
ducatur. Veluti belli & obsidionis temporibus, aut cum

tributum publicum ex solvendum est. Ethinc quoque sponte sua ruit altera de obligata fide objectio, quia enim jam consensus & finis, ob quem meam fidem obligavi, quique in moralibus jus facit, cessat, utique dicemus, te non teneri amplius, postquam membrum civitatis esse desisti. Renunciatione autem non fraudulenta id factum fuisse jam planum fecimus. Advertendum hic est, quaestioni huic locum non esse, ubi civitas edocta de habitu sui membri fortunas ei exportari permiserit, nam tum tacitus ejus consensus praesumetur, & res omni difficultate carebit. Gregatim vero discedere nullo modo licet, alioquin brevi societas civilis interiret. V. de hac quaest. H. Grot. *de jure bel. & pac. lib. 7. cap. V. §. 24.* & Arnisaum, qui dum contrariam sententiam acriter tueretur, ad instituta Romanae Reipubl. delabitur.

XXV. Alter, isque paulo imperfectior modus est Cooptatio. Quando enim res alicujus civitatis ita sunt comparatae, ut ad sui defensionem magno civium numero indigeat, merito Romanorum vestigijs insistit, quorum conditor Romulus, ut apud Tacit: *Ann. 11. cap. 24. vers. 7.* Claudius agebat, tantum sapientia valuit, ut plebsque populos eodem die hostes, deinde cives habuerit. Quod si Ciceronis judicio standum nobis esset, mature cooptatos nostros cives subduceremus. Is enim *lib. 3. offic.* usum quidem civitatis concedit peregrinis, at civitate exsententia Crassi & Scervolae prohibet. At cum idem *2. de Li. Li.* Patriam vocitet, & illam, qua nati, & illam qua excepti sumus, parum ab eo nobis periculi impendebit, praefertim, quoniam Tullium etiam nostrum *magnum hominem* Sallustius appellat, qui tamen civitatem sibi ad tempus ademptam satis agere tulit. Plurculum vero negotij facessit nobis ipse Philosophus, qui factitios cives sua definit

definit. non vult comprehensos, dum *3. Pol. l. 1. ait*: Missos igitur faciamus eos, qui (quamvis alia ratione hanc appellationem nacti sint) facti sunt & ascripti cives. Verum enimvero, cum idem Aristot. *in fin. ejusdem cap.* ad scitos à Clisthene cives pro civibus justis habeat, dummodo imperij & judiciorum possint esse participes, verba ejus alio sensu accipi commodè possunt. Nim. Aristot. non absolute, sed comparatè ad cives *αὐτοχθόνες*, qui majoris fortassis sunt dignationis, loqui, velle ad perfectos, & morum institutorumque civitatis probe gnaros referre. Idque est, quòd in bene constitutis Rebus publ. ad cooptationem primum accedere solet temporis quardam mora, intra quam instituta Reipubl. perdiscere, & se dignos gerendis olim honoribus & suffragijs ferendis efficere queant, plane eodem modo, quo pueris etiam certum annorum numerum præfinitum fuisse *ib. præced.* annotavimus. Tandem nec nos inficias ibimus, Philosophum uti alibi, ita hic quoque in extruenda civis definitione formas Græcorum, & præcipue Atheniënsis civitatis attendisse (statum enim popularem non obscure pro perfectissima & optimâ, quam *lib. 7. & 8.* describere incœpit Republ. agnoscit) quæ cum semel legitimo civium numero instructa esset, non temerè extraneos asciscere, & civitate donare ex usu & consuetudine plerarumque Democratiarum consueverat, idque ut obiter hic immiscebimus, ratione non caret.

XXVI. Nam (1) ad Democratias constituendas undique homines spe libertatis, interdum & licentiæ allecti consueverunt, ut proinde procedente tempore ad sui suorumque defensionem extraneis non æque indigeant. (2) Pluris faciunt suam Remp. in qua honores & dignitates plerisque communicantur, quam ut extraneos quosque
ejus

ejus participes esse velint, quod una nos civitas Corinthiorum docere potest, quorum legati quum Alexandro M. jus civitatis obtulissent, ridentem hoc officij genus Regem mascule in hunc modum sunt allocuti: *Nulli civitatem alij unquam dedimus, quam tibi & Herculi, Sen. de benef. l. 1. cap. 13.* Sic Romani quoque cives se ad Deorum immortalium numen quam proxime accedere arbitrabantur, adeo usque, ut nec amplissimum Galliae civem cum infimo Quiritium compararent, teste pro Rab. Cicerone. (3) Denique, quod ingentes facilis illa alienigenarum cooptatio in Democratijs & Politijs excitet turbas: Cujus rei ratio longe petenda non est. Etenim si tu diversae nationis indolisque cives in tuam Remp. transfuleris, cauto profecto opus est, ne insuetus libertati & licentiae animus tam splendida occasione ad res novandas, & quaevis molienda instigetur. Quantum enim interfit, quem animum ac affectionem nativitate & bona educatione instillatam ad Remp. afferas, id praeter alios egregie pro more demonstrat Aristot. 3 Polit. 1. his verbis: *ad quamque Remp. sua administratio est dirigenda, quum sui quamque mores & tueri, & ab initio fundare soleant, b. e. populares mores Remp. popularem, & paucorum potentiam, qui huic generi sunt accommodati.* Quum autem per cooptationem diversimodè educati in unam civitatem facillime conveniant, non potest non inde ipsi Reip. aliquid periculi suboriri.

XXVII. Maxime autem in Democratijs excooptatione civium periculum metuendum est duabus potissimum de causis. (1) Quod majores in praedictis rebusp. stimulos libertas addat, ad quos in tyrannorum, & Oligarchicorum imperio contenti subditi aspirare nequeunt (2) Vehementer timendum est, ne populi libidinem peracti & ejus libertati insidiantes optimates (quibus magna domi

dominandi cupiditas, nec minor spes inest imperij consequendi, favorem, *mutatis* atque hinc præclaram rei turbandæ occasionem capient. Romana certe civitas incrementum suum debet Sabinis, nec quicquam felicitatem ejus impedit, quamdiu sub Regum imperio res steterit. Postquam vero ad Democratiam delapsa esset, non inter minimas pereuntis civitatis causas promiscua hæc provincialium & frequens turba à sapientioribus computatur. Qua de causa Cic. 1. Phil. ridet Cæsarem, quod non singulis hominibus, sed integris nationibus civitatem assignarit. Et Augustus succensebat Antonio, quod Siculicivitatem dedisset Sver. in vit. ejus. Hæc autem ideo attulimus, ut pateret, quareth. 20. dixerimus, Aristot. ad morem Atheniensis civitatis respexisse, cum Aristiis jus civitatis abrogavit. Neque enim eorum sententiæ possumus suffragari, qui ut hanc difficultatem declinent Aristiorum nomine honorarios venire asseverant, qui tam longe à verorum civium natura abeunt, uttenacem aliquin verborum Aristotelem mentionem eorundem fecisse parum nobis fiat verisimile. Hæc omnia autem, quæ de hoc civitatem obtinendi modo dicta sunt, hac egent cautione ne digni pariter ac indignis civitas prostituatur, neque nimis multi extranei allegantur, multo minus quibusdam subsidiis invitentur, *Arnif. Polit. VI. Besold. 1. cap. XI.*

XXII X. Tertius obtinendæ civitatis modus est Manumissio, quæ ad servos, quemadmodum cooptatio ad extraneos refertur. Nos hic breviter fundamenta ejus indicabimus, quoniam ea, quæ de manumissionibus constituta sunt, I Cti, occasione ex Romanorum manumissione arrepta, copiose exequuntur. Duobus autem modis accidit, ut quis per manumissionem jus civitatis acquirat (1)

secundum naturam : Quando homines ingenio imbecilles & corpore robusti sibi quid usui sit futurum ignorant, ac idcirco pro subsidijs vitæ necessarijs se alijs vegetioris ingenij mancipientes, jam cura dominorum re-
 ctæ rationis usum magis magisque edocti è servitute hac dimittuntur, quam secundum naturam Arist. vocat. 1. *Polit.* 1. τὸ μὲν γὰρ δυνάμενοι, αἰτ, τῇ διανοίᾳ προορᾶν, ἄρχον φύσει &c. τὸ δὲ δυνάμενοι ταῦτα ποιῶν, δεχόμενοι καὶ φύσει δούλοι. Διὸ διαπότῃ καὶ δούλῳ ταὐτὸ συμφέρον. Quantumvis enim libertas natura competat hominibus, id tamen intelligendum est de jure naturæ omne factum humanum præcedente, & de libertate κατ' ἐξουσίαν, h. e. quod jure naturæ nulla sit servitus; non de libertate κατ' ἐκτελέσθαι, h. e. non quod is jus habeat, ne unquam serviat. Ita recte Ioh. Faber in §. jus autem Gent. n. 13. *de jure*, inquit, *natura omnes nascebantur liberi, non quod jus naturale hoc disponderet, sed quia illo jure non erat servitus.* Alioquin divino & G. jure non liceret hominem in servitutem redigere; quod falsum esse vel unius Onesimi exemplum, & Paulimonitum 1. Cor. vii. vers. 21. *vocat me ad servitutem, idcirco non crucietur*, testatur. An vero integri populi inventi olim fuerint, in quos tam insignis stupiditas ceciderit, de eo merito cum Grotio & Bachovio *in insis.* dubitare licet. Et vero Americanos, quos tales esse patrum memoria acriter propugnavit Ioannes Sepulveda Hispanus, longe alio ingenio fuisse, præclare ostenderunt, cum alij, tum imprimis opere *de Natural. & moral. Historia Americanorum* Iosephus Acosta. (2) Altera species manumissionis fundatur in eo jure, quo bella & captivitates introductæ sunt, h. e. Gentium *l. s. de just. & jur.* Huic contraria servitus procul omni dubio naturæ instituto, quod bella etiam & distinctiones dominiorum ignorabat, repugnat. Licet enim ij, qui bello superio-

res sunt, excellere re aliqua victos soleant (unde Aristot.
1. Polit. 4. ex aliorum opinione ratiocinatur, *ἐν αὐτῇ τῇ κερ-
τῇ ἐν ὑπερῇ ἀγαθῇ*) non raro tamen id fallit si ἀπλῶς
& ex vero rem consideres, quia pierumque præstantes in-
genio Viri ab alijs vel ob multitudinem, vel meliorem
rerum bellicarum scientiam vincuntur. Oportet autem
insigne aliquod manumittendi meritum in Dominum ex-
tare, si civitatem consecuturus sit; Nam ordinarie, & si
vim vocis spectes, nihil manumissione restituitur præter
libertatem ser vitute ablatam, cui addere jus civitatis ma-
gis est beneficium, ab eo qui summæ rerum præest de-
pendens.

XXIX. Hæc ita reputanti facillimum erit judicare,
(ut hoc obiter liceat hoc etsi alieno loco inferere) qui
hodie in Imperio nostro Romano Germanico civium no-
men ac dignitatem tucantur. Certe non omnes ij, qui
vulgo cives audiunt, & à suffragijs ferendis interim lon-
gissime remouentur, sed status ac ordines Imperij, penes
quos est potestas de ijs consultandi, quæ summam Reip.
concernunt, & honores in nostra Rep. gerunt amplissimos.
Nec vero *l. 17. de statu hom.* temere nos à sententia nostra
dimovebit, cum ea locutio multis de causis cum ambigua
& hyperbolica, tum nostræ disputationi minime congrua
videatur. Etenim citato loco ejusmodi civis certe non
intelligitur, quem nos *ib. 2.* definivimus: Minime gen-
tium, Nam versa in tyrannidem Romana Rep. tantum ab-
fuit, ut provinciales etiam jura civium sortiti fuerint, ut
qui veri etiam priscis temporibus cives fuerant, digni-
tatem hanc cum jure suffragiorum penitus amise-
runt. Non est igitur, quod mirum alicui videatur, quod
tam facilem se in exæquandis provincialibus præbuerit

Antonius, cum parum adhuc prærogativæ, & per consequens veteris, inter jus civitatis consecutos, & reliquos provinciales discriminis superesset. Quin & insignie tyrannidis fulcrum esse, depressis optimatibus (qui naris plerumq; sunt emundioris) promiscuæ turbæ spem libertatis ostendere, jam dudum ante Antonium Philosophus noster *Poliz. XI.* clare docuit.

XX X. Et hæc erant, quibus via ad secundum disputationis nostræ membrum ex mente & methodo Philosophi sub inito indicata munienda erat. Ejusdem nunc spicilegia lecturi, pauca de civitate etiam disputabimus, consideraturi. (1) Quid sit civitas? (2) Quomodo cœperit? (3) Quæ jura habeat in cives? Immediatè enim Aristoteles explicatæ civis definitioni hæc verba subnectit: *πολιὴν δὲ, τὸ τοῦ πολιτῶν (πολιτῶν) πλεονεκτηματικὸν πρὸς ἀνθρώπων ζωῆς, ὡς ἀπὸ αὐτῶν ἰππεῖν*: hoc est. *Civitatem vero talium multitudinem, cui ad vitam suam necessarios satis suppetat, ut summam dicamus.* Quæ definitio utrum naturam civitatis sic satis exprimat, & an eadem perfectior in opere Politico extet, plenius deinde exsequemur, ubi eam, quæ se hic offert, non vulgarem civitatis ambiguitatem expēdaverimus. Quod e. si hic ab Arist. factum non deprehendamus, (notavit autem id alibi, & nominatim etiam *3. Poliz. 2.* civitatem multivariam dici confitetur) omitti tamen à nobis sine ingenti totius tractationis confusione nequit, præsertim cum & doctos cœteroquin Viros in eo lapsos fuisse, alijs sit observatum.

XXXI. Primo autem civitas pro urbe accipi usque adeo frequenter solet, ut non tantum, quæ urbis sunt, civitati, sed & quæ civitatis sunt, urbi passim à multis assignata videamus, non secus, atque hodie Ecclesiæ vox pro templo interdum accipi consuevit. Sic Virgilinus urbi tri-

tribuit somnum & crapulam. Et è regione Ictus in l. 27. Quib. mod. usufr. am. statum in civitatem induci ait, quod non civitas, sed urbs passa erat. Hæc autem significatio quemadmodum à mente omnium saniorum Politicorum aliena est, ita merito discrimen hoc loco inter civitatem & urbem constituendum fuerit, quod in ijs, ne in re manifesta prolixi simus, consistit. (1) Quod civitas illa sa urbe, & urbs illa sa civitate interire queat, cujus rei exempla abunde historiarum suppedirant. (2) Quod civitas ut plurimum unius urbis fines longe excedat, & una sæpenuero eademque sit civitas, quæ tamen per multas situ disjunctas urbes sit dispersa. Neque enim continuatæ domus, & mœnia finitima, quæ urbem terminant, in civitate semper requiruntur. Apposite Cicero 1. de Rep. Quum loci manna, sepsissent ejusmodi sectorum conjunctionem, oppidum vel urbem appellarunt, delubra instinctam, spatioq. communibus. Omnis autem populus, qui est salus multitudinis carus, qualem exposui, civitas est.

XXXII. Altera eaque usitatissima civitatis significatio est, qua pro Rep. eandem usurpant, plane eundem admodum, quo Græcis interdum πόλις & πολιτία idem denotat. Quo sensu non à Thomæ Aquinate tantum, principalissimum eorum, quæ humanâ ratione constitui possunt, definitur, sed etiam ab omnibus ijs, qui inter civem & subditum non recte distinguunt, accipitur. Accurate autem Aristoteles noster hæc duo inter se distinxit, cum quod utrisque diversas definitiones adhibuerit, tum quod Remp. vocarit ordinem 3. Polit. 4. & animam civitatis 4. Polit. 12. Et vero in genere, ubicunque est totum aliquod congregativum, quod ex multis conjungitur (in quorum numero Aristoteles & civitatem ponit 3. Polit. 1.) unitatem habent à forma conjungente, ut numeri & voces in concentu: Sicut

jam numerus alius est ab harmonia, personarum à choris, ita oportet Rempublicam, quæ est concentus & ordo civitatis, ab ipsa civitate distinctam esse, ut ait Aristoteli *Relict. Polit. l. 1. c. 4. Sect. 3. n. 10.*

XXXIII. Tertia significatio (alias enim minus usitata silentio transmittimus) huius loci propria est, secundum quam civitatem esse statuimus subiectum, quod nondum quidem ea continet, quæ per formam superadduntur, sed ijs tamen subordinatur, eodem modo, quo se anima rationis participes ad virtutes habet, quibus perficitur & finem suum obtinet. Hoc tamen notatu dignum est. Aristotelem in definitione civitatis *1. Polit. 2.* tradita videri magis abducere animum ab omni potestate, legibus, juris dictione & cæteris Reip. partibus, adeoque magis tertiam hanc vocis significationem attendisse: quam *3. Polit. 1.* ubi definit eam per multitudinem civium imperij & iudicij participum, quæ nomina jam tum aliquod præsupponunt imperium & iudicia, quæ tamen non nisi Reip. sunt annexa. Atque hoc vult Piccartus, quando in excerpti *cap. 1.* inquit, Aristoteli *1. Polit. 2.* Civitatem magis cum respectu ad materialia ejus principia fuisse definitam, *3. vero Polit. 1.* cum respectu ad formalia ejusdem principia, quæ sunt homines magistratus participes. Etsi vero hæc ita distinguantur, tamen, cum ista civium multitudo ferme absque ordine, adeoque & Rep. ne cogitari quidem, nedum subsistere possit, ideo de nominibus tam solliciti non erimus, dummodo rem satis tradiderimus. Imo ut quod res est dicamus, cum homines non simpliciter quæ sunt homines, sed quatenus sunt idonei regi per magistratus & iudicia, sint subiectum sive materia cui præ forma est respublica, liquet prudenter admodum tertio Po-

liti.

liticorum libro ab Aristotele definitionem illam civitatis esse constitutam.

XXXIV. Est igitur civitas κοινωμία ἐκ πολλῶν κατὰ νόμον τέλει, ἢ δὴ πάσης τῆς ἀνταρκτικῆς πύρας ἔχουσα, γινομένη μὲν ὑπὸ ζῆνι καὶ ἐκείνῃ, ὅσα ἢ ἔστιν, i. e. *Societas ex pluribus pagis perfecta, omnis iam sufficientia finem habens, orta quidem causa vivendi, permanens autem bene vivendi causa.* Quæ definitio habetur Politicorum primo. Quod vero i. *Oecon.* civitatem definiat societatem è multitudine domorum ortam, ejus causam reddit Piccartus, ne, quum inibi de domorum cura & Oeconomia agere instituisset, nimis longa subiecto discederet.

XXXV. Genus definitionis nostræ est societas. Quodcunque enim ex alijs societatibus est compositum, & aliarum societatum fines in se continet, id ipsum est societas. A. civitas. E. est societas. Min. in seqq. confirmabimus. Societas vero hæc non includit omnium rerum bonorumque communionem, quæ potius cum fine nostræ societatis civilis pugnat, vel eum saltem impedit, sed communicationem suffragiorum, judiciorum, conjunctam cum mutua defensione, jure connubiorum alijsque amicitie officijs, ad quæ non solum alicui, ut vitam, sed & beatam degat vitam tenemur. Quantum enim amicitia momentum afferat ad id, ut cives magis magisque virtute imbuantur, id cum alibi, tum omnium optime ostendit Philosophus *s. Ethic. 1. & 11.* ubi, postquam pro necessitate amicitie ita fuisset argumentatus (quodcunque ad vitam civilem degendam summo opere est necessarium, de eo in Ethicis est agendum. A. amicitia. E.) Minorem, quæ nostram assertionem complectitur, hoc modo per inductionem probat: Si neque divites, neque pauperes, nec pueri, nec adolescentes, nec senes, nec Viri felices sine amicitia vivere possunt, utique

urique ea ad vitam civilem degendam est necessaria; Quia omnes in vita civili degentes ad horum aliquod genus referri possunt. Taceo jam, quod omne jus (cujus in civitate ulus est longe maximus) in societate consistat *2. Ethic. 9.* ut adeo civitatem societatem quandam esse fateri oporteat, siquidem in ea juri concedere locum velimus. Parum à vero genere abludivit idem Philosophus *9. Polit. 1.* quando eam per multitudinem civium, seu hominum judiciorum suffragiorumq; participum definit. Similiter Augustinus, qui, *2. de civitate Dei c. 21.* eam appellat cœtum juris consensu & utilitatis communione sociatum, quia nihilominus restringit genus remotum ad societatem aliquam, cujus membra ad commune civitatis bonum suas actiones dirigunt, quum re communi florente res privatorum quoque bene se habeant.

XXXVI, Hæc societas ex pluribus pagis seu vicis (non enim moramur eos, quos inter Besoldus *1. Polit. XII. n. 52.* qui persuadere nobis conantur, vicum latine nunquam pro aliquot inter se conjunctis ædificijs, sed tantum via publica ædificijs utrinq; cincta usurpari) ortum immediate trahit. Vici autem cum duorum sint generum, alij quidem primæ ac simplicis formæ; quando una familia ita augetur, ut vicum constituere possit, alij mixtæ, quando videlicet è varijs locis homines nullo alioquin naturali vinculo sibi obstricti, tanto numero habitandi gratia conveniunt, ut vicum constituent, ex utriusque generis vicis civitatem constare posse censemus. Cum enim primitus homines in tugurijs atque etiam antris habitarent, & jura quisq; natis daret & uxoribus, congregarenturq;, prout eos vel animi libido ferebat, vel commoditas aliqua, utilitasq; communis conciliabat. *Buchan. in Dial. de jur. regn. ap. Scos.* postmodum ad supplendam vitæ indigentiam, & vitam

vitam feliciorē diffusiori societate opus sibi fore cense-
bant mortales, & natura quadantenus stimulante in unum
cœtum frequentes coibant. Vnde non suffragamur ijs,
qui causam initæ eximiæ hujus societatis vel ad me-
tum potentæ lubricinisque tyrannicæ, vel alia mortalium
scelera solummodo referunt: Hoc siquidem posito ne-
cessario lequeretur, homines si in statu integritatis perman-
sissent, nullam inter se societatem habituros fuisse; vide
Disp. de Urbib. Germ. sub præsidio Excellentissimi Domini
Præsid. hab. tam *h. 10. ad 15.* quanquam inficias non eamus,
eisdem causas insinuatū illum naturalem, qui in homine
jam erat, magis excitasse.

XXXVII. Antequam vero ad alia transeamus, duo
nobis notanda veniunt. (1) Rectius Aristotelem ex pagis
sive familiis constare civitatem velle, quam hominibus,
quia cives non tam homines simpliciter, quam Patres fami-
lias esse intelliguntur. (2) Aristotelem, qui 3. *Polit. 6.* & pas-
sim alibi in cohabitatione seu communione locorum ci-
vitatem minime consistere docuit, nihilominus sibi con-
stare, tamen si hîc plurium pagorum conjunctionem ad ci-
vitatem constituendam requirat. Nam nec hîc per vi-
cos simpliciter adificia, sed ipsas simul familias vicis com-
prehensas intelligit, quod ex 3. *Polit. 6.* liquido patet,
ubi civitatem describit, πόλις ἐστὶν ἡ πόλις καὶ κοινὴ κοινωνία:
Civitas est societas familiarum & virorum. Deinde non ne-
gat Aristoteles *supra citato cap. 6.* cohabitationem & com-
munionem loci ad civitatem requiri, quin id diserte affir-
mat, siquidem civitas ad perfectam ac abunde instructam
vitam commodè consequendam contendere velit: sed dis-
putat contra eos, qui in comunione loci summum civita-
tis apicem consistere arbitrabantur. Adeoque ad id qui-
dem, uti civitas vivat, & beate vivat, omnino cohabitatione-

nec civium opus est, vel certe nimis longum locorum intervallum finem civitatis impedit. Id quod ex eo Aristoteles probat, quod per hanc cohabitationem amicitia inter cives, quæ congressu, sacrificijs, affinitatibus, sodalitijs &c. æstimatur, rectius aliter, ac indigentia melius succurritur, etsi fortassis unius atque alterius civis absentia multum in commodi non afferat. Rursus vero certum est, civitatem unam eandemque longa terrarum spatia posse compecti, atque adeo finem civitatis primum non esse communionem arctioris cujusdam loci, multo minus posita cohabitatione civitatem statim poni, vel jus civitatis. Vnde fortassis mentem Aristotelis non satis assequuntur, qui *ἡ κοινὴ* vertunt vicinitates, quasi è vicinitate ultimus civitatis finis penderet.

XXXIIX. Quæ jam de ortu civitatis ex pluribus pagis sive familijs diximus, ea de prima & naturali civitatis alicujus constitutione intelligenda veniunt. Alioquin enim ex historijs compertum habemus, uno quasi momento civitates quasdam extitisse, quibus non tam multitudo pagorum, & naturalis quidam instinctus, quam superfluous hominum in civitatibus numerus, & ex varijs ac dispersis familijs congregati homines originem præbuerunt. Sic Carthaginiensis profitebatur se Tyriorum colonos *Curt. lib. 3.* & tamen diversa à Tyriorum civitate, & sui juris erat civitas Carthaginiensis. Ita quoque Partheniati Sparta è diversis familijs prognati in unam societatem occupato Tarento cœierunt nec pluribus pagis, vel integris familijs (de quibus Aristotelis definitio loquitur) originem suam debuerunt.

XXXIX. Sed audiamus porro Aristotelem duo de civitate affirmantem: *Unam*, eam *perfectam* esse: Nec immerito: Quæcunque enim Societas id conjunctim continet,

net, ob quod omnes alix societates contrahuntur, ea est perfectior omnibus. Etenim ex fine perfectionem alicujus rei in artibus & Philosophia Practica metimur. Atqui civitas id, ob quod reliquæ contrahuntur, continet. Quia, quum reliquas societates primas ad indigentiam & imbecillitatem humanam sublevandam unice propemodum institutas reperiās, hæc in isto fine nondum acquiescit, sed animo etiam succurrit, eidemque ad perfectionem (quæ in virtutum exercitio consistit) obtinendam magno est adjumento. Quin, si maxime in pago etiam indigentix succurri potest, civilis tamen societas longe majori copia atque facilitate id assequitur, quod alijs societatibus maximo sumtu majorique labore sterit. Ergo civitas est perfectior omnibus reliquis societatibus. Notanter dico, reliquis perfectiorem esse; nam haud raro contingit, ut civitas etiam rerum ad vitam beatamque vitam necessariarum penuria laboret: Nec enim omnis fert omnia tellus, interim hoc sufficit, si & reliquis est perfectior, & præterea aliunde ea liceat importare, quæ præter domi nata & facta ad finem obtinendum desiderat. Ex his quoque satis fit Acciajolo 1. Polit. 2. dubitanti, qua ratione civitas perfecta vocari queat, quum adhuc à republ. introducenda perfectionem expectet. Nam diverso modo civitas perfecta dicitur. (1) Ea perfectione, quam à se habet, (2) Ea, quæ ipsi à republ. super additur. Nemo enim tantam civitati perfectionem tribuerit, cui non aliquid interventu Reipubl. accedere queat. Sed tum civitas suam perfectionem (de qua jam nobis sermo erat) assecuta est, quum ea in promptu habet, vel aliunde importat, in quibus disponendis, & ad vitam beatam dirigendis dum versatur Respubl., eam magis magisque perficit. Vel, quod perinde est, civitas ideo in se societatum est perfectissima, quoni-

am etiam ratione sui materialis maxime omnium idonea est perfectionem summam consequi. Adde quod civitas a deo à Republ. abstrahi non poterit, quin in definitione aliquis ad eam, & speratam exinde perfectionem respectus includeretur, propterea quod Republ. non forma tantum, sed & finis sit Reipubl. i. e. ineuntes hanc societatem statim aliquam sibi propositam habeant Rempubl., oportet, nisi frustra de obtinendo utroque civitatis fine laborare velint.

XL. *Alterum est: Civitatem πείρας τῆς αὐτάρκειας πείρας ἔχειν, omnis sufficientia terminum habere.* Scilicet tantorum bonorum autor fuit, qui civitates primus instituit 1. Pol. 2. ut nihil sit, quod ultra civitatem aptius humanis necessitatibus remedium possit. Atque hoc sensu civitatis summam, sive finem sufficientiæ complecti dicitur, quod in ea felicitatem humanam terminari oporteat, ita ut, qui extra eam in his terris aliam quærat, ad divinitatem quandam accedere dicatur Aristoteli d. cap. 2. Aut enim ipsa met ea habet, quibus præsentibus αὐτάρκεια est civitas, aut tamen inter omnes reliquas societates aptissima est ad percipiendam à longinquis terris ea, quibus redditur αὐτάρκεια. Αὐτάρκεια vero Aristoteles in civitate tantopere necessariam judicat, ut obinde nimiam civitatis parvitatem damnet 7. Polit. c. 4. Ομοίως δὲ καὶ πόλις, inquit, ἢ μὲν ἐξ ὀλίγων αἰαὶ αὐτάρκεια, ἢ δὲ πόλις αὐτάρκεια: Civitas ex nimis paucis civibus constans non est sibi sufficiens. Civitas autem est velle debet aliquid sufficiens, Αὐτάρκεια autem hic ita interpretamur, ut non tantum designet, civitatem bonis omnibus omnium optime ita esse instructam, ut sibi sufficiens esse queat: Sed præterea etiam, cum defunt quædam, civitatem longe rectius facturam eorum ferre atque facere posse, quam reliquas societates simplices ac compositas. Atque

que positemo etiam sensu à bonis scriptoribus vox hæc accipi consuevit, & hic ab Aristotele hoc modo sumptam fuisse, exinde recte colligunt Interpretes quod in fine definitionis cautelam quandam adhibuerit, *ὡς ἔπος εἰπεῖν* quæ generaliter dicta restringere solent Philosophi, (latine *pene, ut ita dicam, summatim,*) quasi diceret, se hic in summo gradu atque perfectione civitatis definitionem tradidisse, propterea tamen, si forte civitati cuidam quædam eorum non æque adsint ex his, quæ in definitione expressa sunt, eidem nomen civitatis ideo negandum non esse. Pertinet huc, quod 7. *Polit. c. 4.* postquam paucitatem civium civitati inutilem fore demonstrasset, magnitudinem itidem & multitudinem nimiam reprehendat hoc argumento: Quod nimis magna civitas *αὐτάρκης, μὲν ἢ ἐν τοῖς ἀναγκάοις, ὥσπερ ἐστὶν, ἀλλ' ἢ ὥσπερ πέλις*: Quæ verba planum faciunt, Philosophum per τὴν αὐτάρκειαν non simpliciter quemlibet omnium bonorum cumulum in una civitate requirere, sed cum tamen qui ad vitam civilem est necessarius.

XLI. Nunc ad finem societatis nostræ pergamus quo recte assignato definitio nostra recte se habebit: Is autem duplex est, quorum primus impulit homines magis adjungendam inter se societatem & ad alterum tanquam ultimum refertur: Alter, societatem facile alioquin interituras simul conservat. Et ille quidem est vivere simpliciter, sive indigentia humana, sub qua & mutua nostri defensio & permutatio comprehenditur. Iste est beate, *εὐδαιμόνως* vivere. Esse vero hanc Aristotelis mentem, nec per τὴν ζῆν commodam, sed beatam vitam designari facile ex 3. *Polit. c. 6.* apparet, ubi de Oligarchicorum & Democraticorum jure disputans tandem in virtute, remotis omnibus cæteris, jus istud collocat. Deinde, quod *Polit.*

et cum morali Philosophia tam arte conjunxerit, ut nomen etiam Politices eidem saepe numero tribuerit, hoc potissimum sine, ut ostenderet, virtutem maxime in civitate locum invenire, omnesq; Virtutes in ea illustriores perfectioresq; reddi juxta vetus istud; *Magistratus virum ostendit.* Et vero si civitas societas est omnium perfectissima, non poterat in simplici vita ultimum suum finem collocare, alias nihil impediret, quo minus & servorum esset civitas atque animantium, quibus à natura inditam vim ad se tuenda atque sustenda nda deprehendimus.

Sensit enim vim quodq; suam, qua possit abuti:

Cornu a xora prius vitulo, quam frontibus extant.

Atqui est societas omnium perfectissima, uti supra demonstravimus. Ergo non potest ultimum suum finem in simplici vita collocare. Accedit his, quod nec primum finem diu liceat obtinere, nisi mediante altero: Vnde sic argumentamur. Quicumque in societatem aliquam in multos annos duraturam coeunt, illi necessario sibi honestam & felicem vitam debent habere propositam. A. qui civilem societatem contrahunt, ij ineunt societatem in multos annos duraturam. E. Maj: ratio est, quia sola Virtus constans est & durabilis, reliqua bona omnia aut à fortuna aut ad exiguum tempus commodata videntur. Maxime vero omnium vim suam Virtus in societatibus exserit, ut (quod memorabili latronum exemplo declarat philosophus,) nequeant consistere, nisi virtutem pro ultimo fine habeant, idque intantum verum est, ut ij etiam, qui virtutem alioquin & vitium juxta estimant, aliquam tamen virtutis speciem, qua scelera tegant, mentiantur. Minor per se patet, quia quilibet majori desiderio ad bonum aliquod constans & durable, quam caducum & fluxum fertur. Vnde manifestum est, hoc animo iniram fuisse à primis moralibus

alibus hanc societatem ut quam diutissime duraret: Id autem ipsum nemini felicius contingit, quam qui beatam quoque vitam cum primo civitatis sine habuerit conjunctam.

XLII. Quæ cum firmis principiis innitantur, agnosci-
mus (1) laborare Platonis definitionem, *qui finem civitatis in eo ponit, uti communicent præsentibus, vicissim alius alij eas res, quibus ad vitam opus est.* Mirum autem id cuivis videri possit, quod Plato *νομῖνς καὶ νόμῳ πόλεως* eundem constituat finem, cum ipsemet alias accurate hæc à se invicem distinxerit juxta familiare ipsi & decantatum illud, *facile quiddam fore, Virum bonum esse, fieri autem Virum bonum longe esse difficillimum.* Removemus, (2) Eos, qui finem civitatis in bellica societate vel communibus commercijs positum esse censabant. Nam Tyrthenos inter & Carthaginenses vasto mari disjunctos pacta de commercijs & permutationibus, & bellis mutuis viribus propulsandis intercedebant, nec tamen eos recte unius civitatis cives appellaveris cū, quod diversos habuerint Magistratus ac judicia, tum quod Tyrtheni de vitijs inter Carthaginenses grassantibus solliciti non erant, nec hi in illorum mores animadvertabant, satis contenti, si sua pactis conventisque fides constaret, cujus postremi argumenti vim ac consequentiam egregie ostendit Philosoph. 3. Pol. 6. his verbis: *Qui autem de bona civitatis descriptione laborant, de Virtute quoque & vitio civili vident. Quare & intelligitur, civitati, qua vere hoc homine sit appellanda, non qua nomine tantum talis est, curam virtutis esse oportere.* Res his argumentis includi potest: Quicunque sunt cives unius civitatis, ij salutem illius civitatis omnibus modis promovent. A. Tyrtheni Carthaginensis civitatis salutem non promovent &c. E. Min. probatur: Quicunque non curant vitia in Republ. & corruptos civium mores, ij non pro-

promoveant salutem civitatis. A. Tyrrheni Carthaginiensium, & hi illorum &c. E. Ex iisdem fundamentis refutatur ij, qui jus connubiorum veram communicatæ civitatis notam esse existimant.

XLIII. Et hæcenus quidem civitatis definitionem per singula membra excussimus. Coronidis loco addimus, quod tamen si finis civitatis *παράκειται* sit vivere simpliciter *ἁπλῶς* beate vivere; scopum tamen ratione variarum civitatum & diversorum, quibus initur civilis societas, modorum longe esse diversum. Hinc illam videas reliquarum Virtutum incuriosam uni fortitudini, & dilatandis per eam finibus incumbere, adeoque pro ultimo fine gloriam & fortitudinem bellicam habere: Quam ipsam veteres Romani usque adeo sectabantur, ut virtutis nomine *ἀρετὴν* fortitudinem intelligerent. Alia rursus divitijs aut voluptatibus studet, pro ut magis vel minus à vero fine aberrat. Neque vero exinde imperfectionem definitionis nostræ eviceris; nam Philosophorum est, universales definitiones eaque in genere suo perfectissimo concinnare, non ad singularia & speciales civitates descendere: Jam vero talis est civitas ortu suo perfecta, qualem nobis definitam reliquit Philosophus accuratior omnibus istis, qui ab universalibus præceptis abeuntes in nescio quam de Germanorum vel Romanorum civitate doctrinam convertunt Politicæ disciplinam, & tam ætatis finibus includunt scientiam angustissimam & maxime *ἐκείνην*.

XLIV. Postquam nunc, quantum instituto nostro satis est, quid sit civitas, explicuimus, quomodo constitutatur, paucis videamus, Et quidem non una omnium hæc de re sententia est. Plato enim ejusque sectatores mero instituto humano societatem civilem introductam esse assererat, conformiter opinioni quam *lib. 2. 2.* rejecimus, quæ
ultri-

ultimum civitatis finem *ex* *ad* *hunc* simpliciter ponebat. Aristoteli & præclarissimis alijs Politices Scriptoribus nimis humilis, & minime generosus, ut Cic. de Amicit. in simili plane argumento asseverabat, hic ortus videbatur, quapropter primario à natura intendi civitatem existimabat, ita ut reliquæ societates, nomen suum amittant, vel saltem æquivoce tueantur, nisi ad societatem civilem constituendam ordinentur; secundario vero indigentiam humanam causam ejus putabat extitisse, quemadmodum & civitatis primarium finem in naturali & propria hominis perfectione, secundarium vero in commoda vita collocarat. Huic opinioni accessit postea etiam Tullius *Lib. 1. de Offic.* ubi in hunc modum contra Platonem disputat: *Nec verum est, inquit, quod dicitur à quibusdam, propter necessitatem vitæ, quod ea, quæ natura desideraret, consequi sine alijs atq; efficere non possemus, idcirco istam esse cum hominibus communiter & societatem; Quod si omnia nobis, quæ ad victum cultumque pertinent, quasi divina virgula i. e. citra operam nostram suppeditarentur, tum ne (objicit sibi) optimo quisq; ingenio negotiis omnibus omis- sis totum se in cognitione & scientia collocaret? Non est ita, respondet, nam & solitudinem fugeret, & socium studij quæreretur.* Hæc ille.

XLV. Ne vero quem confundat ambiguitas vocis, per naturam hîc intelligimus principium illud & causam motus & quietis, de quo in scholis Phisicis, non vero jus naturæ: Nam præterquam, quod diversissima sint à natura, & à jure naturæ esse, utique extra omnem controversiam est, civitates juri naturæ esse convenientissimas: Eam enim societatem, quæ amicitiam auget & propagat, jus omne fovet, & denique pro scopo habet beatam vitam, nemo temere à jure naturæ dixerit discrepare. An vero à jure naturæ introducta sit civitas, vel à jure Gentium, id ex deci-

Antonius, cum parum adhuc prærogativæ, & per consequens veteris, inter ius civitatis consecutos, & reliquos provinciales discriminis superesset. Quin & insigne tyrannidis fulcrum esse, depressis optimatibus (qui naris plerumque sunt emundioris) promiscuæ turbæ spem libertatis ostendere, jam dudum ante Antonium Philosophus noster, *Polis. XI.* clare docuit.

XXX. Et hæc erant, quibus via ad secundum disputationis nostræ membrum ex mente & methodo Philosophi sub inito indicata munienda erat. Eiusdem nunc spicilegia lecturi, pauca de civitate etiam disputabimus, consideraturi. (1) Quid sit civitas? (2) Quomodo cœperit? (3) Quæ jura habeat in cives? Immediatè enim Aristoteles explicatæ civis definitioni hæc verba subnectit: *πολις δὲ, τὸ τῶν πολιτῶν (πολιτῶν) πλῆθος ἑκαστὸν πρὸς ἀνταρκαίαν ζωῆς, ὡς ἀπλῶς ἐπὶ τοῦ: hoc est. Civitatem vero talium multitudinem, cui ad vitam suam necessarios satis suppetat, ut summatim dicamus.* Quæ definitio utrum naturam civitatis sic satis exprimat, & an eadem perfectior in opere Politico extet, plenius deinde exsequemur, ubi eam, quæ se hîc offert, non vulgarem civitatis ambiguitatem expèdiderimus. Quod e. si hîc ab Arist. factum non deprehendamus, (notavit autem id alibi, & nominatim etiam *3. Polis. 2.* civitatem multivariam dici confitetur) omitti tamen à nobis sine ingenti totius tractationis confusione nequit, præsertim cum & doctos cœteroquin viros in eo lapsos fuisse, alijs sit observatum.

XXXI. Primo autem civitas pro urbe accipiturque adeo frequenter solet, ut non tantum, quæ urbis sunt, civitati, sed & quæ civitatis sunt, urbi passim à multis assignata videamus, non secus, atque hodie Ecclesiæ vox pro templo interdum accipi consuevit. Sic Virgilius urbi

tri-

tribuit somnum & crapulam. Et è regione ICtus in l. 27. Quib. mod. usus fr. am. statum in civitatem induci ait, quod non civitas, sed urbs passa erat. Hæc autem significatio quemadmodum à mente omnium saniorum Politicorum aliena est, ita merito discrimen hoc loco inter civitatem & urbem constituendum fuerit, quod in ijs, ne inre manifesta prolixi simus, consistit. (1) Quod civitas illæsa urbe, & urbs illa la civitate interire queat, cujus rei exempla abunde historiæ suppedirant. (2) Quod civitas ut plurimum unius urbis fines longe excedat, & una sæpenumero eademque sit civitas, quæ tamen per multas situ disjunctas urbes sit dispersa. Neque enim continuatæ domus, & moenia finitima, quæ urbem terminant, in civitate semper requiruntur. Apposite Cicero 1. de Rep. *Quum loci magnæ, sepißsent ejusmodi sectorum conjunctionem, oppidum vel urbem appellarunt, delubra instinctam, spatisq. communibus. Omnis autem populus, qui est talis multitudinis cætus, qualem exposui, civitas est.*

XXXII. Altera eaque usitatissima civitatis significatio est, qua pro Rep. eandem usurpant, plane eundem admodum, quo Græcis interdum *πόλις* & *πολιτία* idem denotat. Quo sensu non à Thomæ Aquinate tantum, *principalißimum eorum, quæ humanâ ratione constitui possunt*, definitur, sed etiam ab omnibus ijs, qui inter civem & subditum non recte distinguunt, accipitur. Accurate autem Aristoteles noster hæc duo inter se distinxit, cum quod utrisque diversas definitiones adhibuerit, tum quod Remp. vocarit ordinem 3. *Polis*. 4. & animam civitatis 4. *Polis*. 11. Et vero in genere, ubicunque est totum aliquod congregativum, quod ex multis conjungitur (in quorum numero Aristoteles & civitatem ponit 3. *Polis*. 1.) unitatem habent à forma conjungente, ut numeri & voces in concentu: Sicut

jam numerus alius est ab harmonia, personæ à choris, ita oportet Remp. quæ est concentus & ordo civitatis, ab ipsa civitate distinctam esse, ut ait Arniseus *Relict. Polit. l. 1. c. 4. Sect. 3. n. 10.*

XXXIII. Tertia significatio (alias enim minus usitata silentio transmittimus) huius loci propria est, secundum quam civitatem esse statuimus subiectum, quod nondum quidem ea continet, quæ per formam superadduntur, sed ijs tamen subordinatur, eodem modo, quo se anima rationis particeps ad virtutes habet, quibus perficitur & finem suum obtinet. Hoc tamen notatu dignum est. Aristotelem in definitione civitatis *1. polit. 2.* tradita videri magis abducere animum ab omni potestate, legibus. juris dictione & cæteris Reip. partibus, adeoque magis tertiam hanc vocis significationem attendisse; quam *3. Polit. 1.* ubi definit eam per multitudinem civium imperij & iudicij participum, quæ nomina jam tum aliquod præsupponunt imperium & iudicia, quæ tamen non nisi Reip. sunt annexa. Atque hoc vult Piccartus, quando in excerpti *cap. 1.* inquit, Aristoteli *1. Polit. 2.* Civitatem magis cum respectu ad materialia ejus principia fuisse definitam, *3. vero Polit. 1.* cum respectu ad formalia ejusdem principia, quæ sunt homines magistratus particeps. Et si vero hæc ita distinguantur, tamen, cum ista civium multitudo ferme absque ordine, adeoque & Rep. ne cogitari quidem, nedum subsistere possit, ideo de nominibus tam solliciti non erimus, dummodo rem satis tradiderimus. Imo ut quod res est dicamus, cum homines non simpliciter quæ sunt homines, sed quatenus sunt idonei regi per magistratus & iudicia, sint subiectum sive materia cui pro forma est respublica, liquet prudenter admodum tertio *Politi-*

liticorum libro ab Aristotele definitionem illam civitatis esse constitutam.

XXXIV. Est igitur civitas κοινωμία ἐκ πλείων κοινῶν τήλεος, ἢ δὲ πείσης τῆς αὐταρκείας πείρας ἔχουσα, γειτομένη μὲν ἄνθρωποις, ὅσα ἢ ἑὺζῆν, i.e. *Societas ex pluribus pagis perfecta, omnis jam sufficiens finem habens, orta quidem causa vivendi, permanens autem bene vivendi causa.* Quæ definitio habetur Politicorum primo. Quod vero in *Oecon.* civitatem definiat societatem è multitudine domorum ortam, ejus causam reddit Piccartus, ne, quum inibi de domorum cura & Oeconomia agere instituisset, nimis longa subiecto discederet.

XXXV. Genus definitionis nostræ est societas. Quodcunque enim ex alijs societatibus est compositum, & aliarum societatum fines in se continet, id ipsum est societas. A. civitas. E. est societas. Min. in seqq. confirmabimus. Societas vero hæc non includit omnium rerum bonorumque communionem, quæ potius cum fine nostræ societatis civilis pugnat, vel eum saltem impedit, sed communicationem suffragiorum, judiciorum, conjunctam cum mutua defensione, jure connubiorum alijsque amicitiae officijs, ad quæ non solum alicui, ut vitam, sed & beatam degat vitam tenemur. Quantum enim amicitia momentum afferat ad id, ut cives magis magisque virtute imbuantur, id cum alibi, tum omnium optime ostendit Philosophus *s. Ethic. 1. & 11.* ubi, postquam pro necessitate amicitiae ita fuisset argumentatus (quodcunque ad vitam civilem degendam summopere est necessarium, de eo in Ethicis est agendum. A. amicitia. E.) Minorem, quæ nostram assertionem complectitur, hoc modo per inductionem probat: Si neque divites, neque pauperes, nec pueri, nec adolescentes, nec senes, nec Viri feliciter sine amicitia vivere possunt, utique

utrique ea ad vitam civilem degendam est necessaria; Quia omnes in vita civili degentes ad horum aliquod genus referri possunt. Taceo jam, quod omne jus (cujus in civitate plus est longe maximus) in societate consistat. *1. Ethic. 9.* ut adeo civitatem societatem quandam esse fateri oporteat, siquidem in ea juri concedere locum velimus. Parum à vero genere abludivit idem Philosophus *3. Polit. 1.* quando eam per multitudinem civium, seu hominum judiciorum suffragiorumq; participum definit. Similiter Augustinus, qui, *2. de civitate Dei. 21.* eam appellat cœtum juris consensu & utilitatis communione sociarum, quia nihilominus restringit genus remotum ad societatem aliquam, cujus membra ad commune civitatis bonum suas actiones dirigunt, quum re communi florente res privatorum quoque bene se habeant.

XXXVI. Hæc societas ex pluribus pagis seu vicis (non enim moramur eos, quos inter Besoldus *1. Polit. XII. n. 52.* qui persuadere nobis conantur, vicum latine nunquam pro aliquot inter se conjunctis ædificijs, sed tantum via publica ædificijs utrinq; cincta usurpari) ortum immediate trahit. Vici autem cum duorum sint generum, alij quidem primæ ac simplicis formæ; quando una familia ita augetur, ut vicum constituere possit, alij mixtæ, quando videlicet è varijs locis homines nullo alioquin naturali vinculo sibi obstricti, tanto numero habitandi gratia conveniunt, ut vicum constituent, ex utriusque generis vicis civitatem constare posse censemus. Cum enim primitus homines in tugurijs atque etiam antris habitarent, & jura quisq; natis daret & uxoribus, congregarenturq; prout eos vel animi libido ferebat, vel commoditas aliqua, utilitasq; communis conciliabat. *Buchan. in Dial. de jur. regn. ap. Scot.* postmodum ad supplendam vitæ indigentiam, & vitam

vitam feliciorē diffusiori societate opus sibi fore cense-
bant mortales, & natura quadantenus stimulante in unum
cœtum frequentes coibant. Vnde non suffragamur ijs,
qui causam initæ eximæ hujus societatis vel ad me-
tum potentæ lubricinisque tyrannicæ, vel alia mortalium
scelera solummodo referunt: Hoc siquidem posito ne-
cessario lequeretur, homines si in statu integritatis perman-
sissent, nullam inter se societatem habituros fuisse; vide
Disp. de Urbib. Germ. sub præsidio Excellentissimi Domini
Præsid. hab. tam *ih. 10. ad 15.* quanquam inficias non eamus,
easdem causas instinctum illum naturalem, qui in homine
jam erat, magis excitasse.

XXXV. L. Antequam vero ad alia transeamus, duo
nobis notanda veniunt. (1) Rectius Aristotelem ex pagis
sive familiis constare civitatem velle, quam hominibus,
quia cives non tam homines simpliciter, quam Patres fami-
lias esse intelliguntur. (2) Aristotelem, qui *3. Polit. 6.* & pas-
sim alibi in cohabitatione seu communione locorum ci-
vitatem minimè consistere docuit, nihilominus sibi con-
stare, tamen si hic plurium pagorum conjunctionem ad ci-
vitatem constituendam requirat. Nam nec hic per vi-
cos simpliciter adificia, sed ipsas simul familias vicis com-
prehensas intelligit, quod ex *3. Polit. 1. 6.* liquido patet,
ubi civitatem describit, *πόλις ἐστὶν ἡ πόλις καὶ κοινὴ κοινωνία*.
Civitas est societas familiarum & virorum. Deinde non ne-
gat Aristoteles *supra citato cap. 6.* cohabitationem & com-
munionem loci ad civitatem requiri, quin id dilerte affir-
mat, siquidem civitas ad perfectam ac abunde instructam
vitam commodè consequendam contendere velit: sed dis-
putat contra eos, qui in comunione loci summum civita-
tis apicem consistere arbitrabantur. Adeoque ad id quî-
dem, uti civitas vivat, & beate vivat, omnino cohabitatione

ne civium opus est, vel certe nimis longum locorum intervallum finem civitatis impedit. Id quod ex eo Aristoteles probat, quod per hanc cohabitationem amicitia inter cives, quæ congressu, sacrificijs, affinitatibus, sodalitijs &c. æstimatur, rectius aliter, ac indigentia melius succurritur, et si fortassis unius atque alterius civis absentia multum in commodi non afferat. Rursus vero certum est, civitatem unam eandemque longa terrarum spatia posse compeñi, atque adeo finem civitatis primum non esse communionem arctioris cujusdam loci, multo minus posita cohabitatione civitatem statim poni, vel jus civitatis. Vnde fortassis mentem Aristotelis non satis assequuntur, qui *πρόμακρον* vertunt vicinitates, quasi è vicinitate ultimus civitatis finis penderet.

XXXIX. Quæ jam de ortu civitatis ex pluribus pagis sive familijs diximus, ea de prima & naturali civitatis alicujus constitutione intelligenda veniunt. Alioquin enim ex historijs compertum habemus, uno quasi momento civitates quasdam extitisse, quibus non tam multitudo pagorum, & naturalis quidam instinctus, quam superfluum hominum in civitatibus numerus, & ex varijs ac dispersis familijs congregati homines originem præbuerunt. Sic Carthaginiensis profitebantur se Tyriorum colonos *Curr. lib. 3.* & tamen diversa à Tyriorum civitate, & sui juris erat civitas Carthaginiensis. Ita quoque Partheniati Spartæ è diversis familijs prognati in unam societatem occupato Tarento cõierunt nec pluribus pagis, vel integris familijs (de quibus Aristotelis definitio loquitur) originem suam debuerunt.

XXXIX. Sed audiamus porro Aristotelem duo de civitate affirmantem: *Unam*, eam *perfectam* esse: Nec immerito: Quæcunque enim Societas id conjunctum conti-

net,

net, ob quod omnes aliae societates contrahuntur, ea est perfectior omnibus. Etenim ex fine perfectionem alicujus rei in artibus & Philosophia Practica metimur. Atqui civitas id, ob quod reliquae contrahuntur, continet. Quia, quum reliquas societates primas ad indigentiam & imbecillitatem humanam sublevandam unice propemodum institutas reperias, haec in isto fine nondum acquiescit, sed animo etiam succurrit, eidemque ad perfectionem (quae in virtutum exercitio consistit) obtinendam magno est adjumento. Quin, si maxime in pago etiam indigentiae succurri potest, civilis tamen societas longe majori copia atque facilitate id assequitur, quod alijs societatibus maximo sumtu majorique labore sterit. Ergo civitas est perfectior omnibus reliquis societatibus. Notanter dico, reliquis perfectiorem esse; nam haud raro contingit, ut civitas etiam rerum ad vitam beatamque vitam necessariarum penuria laboret: Nec enim omnis fert omnia tellus, interim hoc sufficit, si & reliquis est perfectior, & praeterea aliunde ea liceat importare, quae praeter domi nata & facta ad finem obtinendum desiderat. Ex his quoque satis fit Acciajolo 1. *Polis.* 2. dubitanti, qua ratione civitas perfecta vocari queat, quum adhuc à republ. introducenda perfectionem exspectet. Nam diverso modo civitas perfecta dicitur. (1) Ea perfectione, quam à se habet, (2) Ea, quae ipsi à republ. super additur. Nemo enim tantam civitati perfectionem tribuerit, cui non aliquid interventu Reipubl. accedere queat. Sed tum civitas suam perfectionem (de qua jam nobis sermo erat) assecuta est, quum ea in promptu habet, vel aliunde importat, in quibus disponendis, & ad vitam beatam dirigendis dum versatur Respubl., eam magis magisque perficit. Vel, quod perinde est, civitas ideo in se societatum est perfectissima, quoni-

am etiam ratione sui materialis maxime omnium idonea est perfectionem summam consequi. Adde quod civitas adeo à Republ. abstrahi non poterit, quin in definitione aliquis ad eam, & speratam exinde perfectionem respectus includeretur, propterea quod Republ. non forma tantum, sed & finis sit Reipubl. i. e. incuntes hanc societatem statim aliquam sibi propositam habeant Rempubl., oportet, nisi frustra de obtinendo utroque civitatis sine laborare velint.

XL. *Alterum est: Civitatem πάσης τῆς ἀνταρκείας πύρας ἔχειν, omnis sufficientia terminum habere.* Scilicet tantorum bonorum autor fuit, qui civitates primus instituit 1. Pol. 2. ut nihil sit, quod ultra civitatem aptius humanis necessitatibus remediari possit. Atque hoc sensu civitatis summam, siue finem sufficientiæ completi dicitur, quod in ea felicitatem humanam terminari oporteat, ita ut, qui extra eam in his terris aliam quærat, ad divinitatem quandam accedere dicatur Aristoteli d. cap. 2. Aut enim ipsamet ea habet, quibus præsentibus ἀντάρκεια est civitas, aut tamen inter omnes reliquas societates aptissima est ad percipiendam è longinquis terris ea, quibus redditur ἀντάρκεια. Ἀντάρκειαν vero Aristoteles in civitate tantopere necessariam judicat, ut obinde nimiam civitatis parvitatem damnet 7. Polit. c. 4. Ὁμοίως δὲ καὶ πόλις, inquit, ἢ μὲν ἐξ ὀλίγων αἰν ἀντάρκεις, ἢ δὲ πόλις ἀνταρκείας: Civitas ex nimis paucis civibus constans non est sibi sufficiens. Civitas autem est vel esse debet aliquid sufficiens, Ἀντάρκειαν autem hic ita interpretamur, ut non tantum designet, civitatem bonis omnibus omnium optime ita esse instructam; ut sibi sufficiens esse queat: Sed præterea etiam, cum desunt quædam, civitatem longe rectius facturam eorum ferre atque sarcire posse, quam reliquas societates simplices ac compositas. Atque

que postremo etiam sensu à bonis scriptoribus vox hæc accipi consuevit, & hinc ab Aristotele hoc modo sumtam fuisse, exinde recte colligunt Interpretes quod in fine definitionis cautelam quandam adhibuerit, *ὥς ἔπος εἰπέναι* qua generaliter dicta restringere solent Philosophi, (latine *pene, ut ita dicam, summatim,*) quasi diceret, se hinc in summo gradu atque perfectione civitatis definitionem tradidisse, propterea tamen, si forte civitati cuidam quædam eorum non æque adsint ex his, quæ in definitione expressa sunt, eidem nomen civitatis ideo negandum non esse. Pertinet huc, quod 7. Polit. c. 4. postquam paucitatem civium civitati inutilem fore demonstrasset, magnitudinem iidem & multitudinem nimiam reprehendat hoc argumento: Quod nimis magna civitas *αὐτάρκης, μὲν ἢ ἐν τοῖς ἀναγκαίοις, ὥσπερ ἐστὶν, ἀλλ' ἢ ὥσπερ πῆλις*: Quæ verba planum faciant, Philosophum per *τὴν αὐτάρκειαν* non simpliciter quemlibet omnium bonorum cumulum in una civitate requirere, sed cum tamen qui ad vitam civilem est necessarius.

XLI. Nunc ad finem societatis nostræ pergamus quo recte assignato definitio nostra recte se habebit: Is autem duplex est, quorum primus impulit homines magis adjungendam inter se societatem & ad alterum tanquam ultimum refertur: Alter, societatem facile alioquin interituram simul conservat. Et ille quidem est vivere simpliciter, sive indigentia humana, sub qua & mutua nostri defensio & permutatio comprehenditur. Ille est beate, *ἰσχυρόνως* vivere. Esse vero hanc Aristotelis mentem, nec per *εὖ ζῆν* commodam, sed beatam vitam designari facile ex 7. Polit. c. 6. apparet, ubi de Oligarchicorum & Democraticorum jure disputans tandem in virtute, remotis omnibus cæteris, jus istud collocat. Deinde, quod Politicam

eam cum morali Philosophia tam arte conjunxerit, ut nomen etiam Politices eidem saepe numero tribuerit, hoc potissimum sine, ut ostenderet, virtutem maxime in civitate locum invenire, omnesq; Virtutes in ea illustriores perfectioresq; reddi juxta vetus istud; *Magistratus virum ostendit.* Et vero si civitas societas est omnium perfectissima, non poterat in simplici vita ultimum suum finem collocare, alias nihil impediret, quo minus & servorum esset civitas atque animantium, quibus à natura inditam vim ad se tyenda atque sustenda nda deprehendimus.

Sentis enim vim quodq; suam, qua possis abusi:

Cornua nota prius vitulo, quam frontibus extant.

Atqui est societas omnium perfectissima, uti supra demonstravimus. Ergo non potest ultimum suum finem in simplici vita collocare. Accedit his, quod nec primum finem diu liceat obtinere, nisi mediante altero: Vnde sic argumentamur. Quicumque in societatem aliquam in multos annos duraturam coeunt, illi necessario sibi honestam & felicem vitam debent habere propositam. A. qui civilem societatem contrahunt, ij ineunt societatem in multos annos duraturam. E. Maj: ratio est, quia sola Virtus constans est & durabilis, reliqua bona omnia aut à fortuna aut ad exiguum tempus commodata videntur. Maxime vero omnium vim suam Virtus in societatibus exserit, ut (quod memorabili latronum exemplo declarat philosophus,) nequeant consistere, nisi virtutem pro ultimo fine habeant, idque in tantum verum est, ut ij etiam, qui virtutem alioquin & vitium juxta estimant, aliquam tamen virtutis speciem, qua scelera tegant, mentiantur. Minor per se patet, quia quilibet majori desiderio ad bonum aliquod constans & durabile, quam caducum & fluxum tertur. Vnde manifestum est, hoc animo in iram fuisse à primis moralibus

salibus hanc societatem ut quam diutissime duraret: Id autem ipsum nemini felicius contingit, quam qui beatam quoque vitam cum primo civitatis fine habuerit conjunctam.

XLII. Quæ cum firmis principijs innitantur, agnoscimus (1) laborare Platonis definitionem, *qui finem civitatis in eo ponit, uti communicent præsentij, vicissim alius alij eas res, quibus ad vitam opus est.* Mirum autem id cuivis videri possit, quod Plato *ῥατομίνης καὶ ὅσης πόλεως* eundem constituat finem, cum ipsemet alias accurate hæc à se invicem distinxerit juxta familiare ipsi & decantatum illud, *facile quidem fore, Virum bonum esse, fieri autem Virum bonum longe esse difficillimum.* Removemus, (2) Eos, qui finem civitatis in bellica societate vel communibus commercijs positum esse censebant. Nam Tyrrenos inter & Carthaginienses vasto mari disjunctos pacta de commercijs & permutationibus, & bellis mutuis viribus propulsandis intercedebant, nec tamen eos recte unius civitatis ciyes appellaveris cū, quod diversos habuerint Magistratus ac judicia, tum quod Tyrtheni de vitijs inter Carthaginienses grassantibus solliciti non erant, nec hi in illorum mores animadvertabant, satis contenti, si sua pactis conventisque fides constaret, cujus postremi argumenti vim ac consequentiam egregie ostendit Philosoph. 3. Pol. 4. his verbis: *Qui autem de bona civitatis descriptione laborant, de Virtute quoque & vitio civili vident. Quare & intelligitur, civitati, quæ vere hoc nomine sit appellanda, non quæ nomine tantum talis est, curam virtutis esse oportere.* Res his argumentis includi potest: Quicumque sunt ciyes unius civitatis, ij salutem illius civitatis omnibus modis promovent. A. Tyrtheni Carthaginiensis civitatis salutem non promovent &c. E. Min. probatur: Quicumque non curant vitia in Republ. & corruptos civium mores, ij non pro-

promoveant salutem civitatis. A. Tyrreni Carthaginiensium, & hi illorum &c. E. Ex iisdem fundamentis refutatur ij, qui jus connubiorum veram communicatam civitatis notam esse existimant.

XLIII. Et hactenus quidem civitatis definitionem per singula membra excussimus. Coronidis loco addimus, quod tamen si finis civitatis *παρομένης* sit vivere simpliciter *ἁπλως* beate vivere; scopum tamen ratione variarum civitatum & diversorum, quibus initur civilis societas, modorum longe esse diversum. Hinc illam videas reliquarum Virtutum incuriosam uni fortitudini, & dilatandis per eam finibus incumbere; adeoque pro ultimo fine gloriam & fortitudinem bellicam habere: Quam ipsam veteres Romani usque adeo sectabantur, ut virtutis nomine κατ' ἐξοχήν fortitudinem intelligerent. Alia rursus divitijs aut voluptatibus studet, pro ut magis vel minus à vero fine aberrat. Neque vero exinde imperfectionem definitionis nostræ eviceris; nam Philosophorum est, universales definitiones easque in genere suo perfectissimo concinnare, non ad singularia & speciales civitates descendere: Jam vero talis est civitas ortu suo perfecta, qualem nobis definitam reliquit Philosophus accuratior omnibus istis, qui ab universalibus præceptis abeuntes in nescio quam de Germanorum vel Romanorum civitate doctrinam convertunt Politices disciplinam, & tam arctis finibus includunt scientiam angustissimam & maxime *ὑπερπερίστον*.

XLIV. Postquam nunc, quantum instituto nostro satis est, quid sit civitas, explicuimus, quomodo constitutur, paucis videamus, Et quidem non una omnium hæc de re sententia est. Plato enim ejusque sectatores mero instituto humano societatem civilem introductam esse asseribat, conformiter opinioni quam *lib. 42.* rejectimus, qua
ultr-

ultimum civitatis finem & ad hunc simpliciter ponebat. Aristoteli & præclarissimis alijs Politices Scriptoribus nimis humilis, & minime generosus, ut Cic. de Amicit. in simili plane argumento asseverabat, hic ortus videbatur, quapropter primario à natura intendi civitatem existimabat, ita ut reliquæ societates, nomen suum amittant, vel saltem æquivoce tueantur, nisi ad societatem civilem constituendam ordinentur; secundario vero indigentiam humanam causam ejus putabat extitisse, quemadmodum & civitatis primarium finem in naturali & propria hominis perfectione, secundarium vero in commoda vita collocarat. Huic opinioni accessit postea etiam Tullius *Lib. 1. de Offic.* ubi in hunc modum contra Platonem disputat: *Nec verum est, inquit, quod dicitur à quibusdam, propter necessitatem vitæ, quod ea, quæ natura desideraret, consequi sine alijs atq; efficere non possemus, idcirco istam esse cum hominibus communis civitatem; Quod si omnia nobis, quæ ad victum cultumque pertinent, quasi divina virgula i. e. citra operam nostram suppeditarentur, tum ne (objicit sibi) optimo quisq; ingenio negotiis omnibus omisissis totum se in cognitione & scientia collocaret? Non est ita, respondet, nam & solitudinem fugeret, & socium studij quæreretur.* Hæc ille.

XLV. Ne vero quem confundat ambiguitas vocis, per naturam hîc intelligimus principium illud & causam motus & quietis, de quo in scholis Phisicis, non vero jus naturæ: Nam præterquam, quod diversissima sint à natura, & à jure naturæ esse, utique extra omnem controversiam est, civitates juri naturæ esse convenientissimas: Eam enim societatem, quæ amicitiam augeat & propagat, jus omne fovet, & denique pro scopo habet beatam vitam, nemo temere à jure naturæ dixerit discrepare. An vero à jure naturæ introducta sit civitas, vel à jure Gentium, id ex deci-

sione propositæ quæstionis apparebit, quam nunc aggredimur.

XLVI. Philosophus ad probandam sententiam suam, civitatem nempe esse à natura, & reliquas societates primas & compositas natura ad civitatem perficiendam ordinatas esse, adducit tale argumentum: Quodcunque ex naturalibus societatibus oritur, illud est naturale. A. civitas oritur ex talibus. E. Min: probat, quia civitas finis est, & perfectio reliquarum societatum. Plato ejusque esseclæ provocant ad experientiam, & civitates solo instituto humano affirmant introductas esse: Quod enim, inquit, solis necessitatibus humanis medetur, illud prius non est introductum, quam indigentia genus hominum premere coepit. Hoc enim sic satis instructum erat ab omni fertili-um rerum copia, ut civitatibus indigere non videretur. Iam vero civitas solis necessitatibus humanis medetur. Verum hoc assumit Plato quod nondum probavit, quodque ipsi non concedimus, per ea, quæ supra contra hanc sententiam disputavimus. Ut vero etiam appareat, quid veri falsive opinio Aristotelica habeat, tribus assertionibus sententiam nostram proponimus. (1) A. natura ita reliquas societates esse productas, ut in subsidium necessitatum humanarum ad perfectissimam & absolutissimam societatem constituendam concurrere deberent: Hoc tamen modo, ut & ipsæ tamdiu consistere per se, & usui hominibus esse possent, donec necessitas postularet. Probat hanc assertionem argumentum Aristot. supra allatum. Neq; vero ad id, ut quid à natura constitutum esse dicatur, semper requiritur, uti cum ipso genere humano coeperit, alioquin nec ipsa societas herilis à natura esset, multo minus vicus aut familia. (2) Ideo in primordio rerum civitates à natura introductas non fuisse, quod paucitas humani generis per

per omnes terras dispersa id non admiserit; Deinde, quia
 viventes in pagis ac familijs tum temporis rebus necessa-
 rijs satis abundare, & virtuti quodammodo studere potu-
 erunt. Taceo jam, quod non semper inter sit humanæ bea-
 titudinis, ut omne omnino virtutis negotium peragatur,
 modosis paratus, quacunque data occasione ejus nihil in-
 termittere. De hac assertione Vide Excellentiss. Dn. Præ-
 fidem de Civ. Prud. c. vi, late probantem in pagis utrumq;
 civitatis finem sic satis feliciter obtineri potuisse, à primis
 & vetustissimis, mortalium, qui nulla adhuc mala libidine,
 sine probro, scelere, eoque sine pœna aut coërcitionibus
 agebant *Tac. Ann. 3. c. 26. vers. 1. (3)* Vel hoc tantum sensu
 civitates recte à natura dici constitutas, quod natura sem-
 per tendat ad perfectissimum, adeoq; crescenti indies ho-
 minum generi per civitatem, tanquam perfectissimam so-
 cietatem, consuluerit. Et, nisi valde fallor, ipsemet Arist.
 in ijs verbis, quæ mox huic quæstioni subjungit, *finis namq;
 hæc illarum, natura autem est finis & seqq.* per naturam intel-
 ligit perfectionem quandam & finem reliquarum socie-
 tatum: Alioquin merito quis dubitaverit cum Montecati-
 no, cur Arist. in his verbis probaverit, civitatem esse natu-
 ram, quum tamen probare debuisset, civitatem à natura
 esse constitutam. Illud postremo tenendum est, quan-
 tumvis civitatem, eo, quo diximus, modo natura fortassis
 intenderit, nihilominus Aristotelem ipsummet alibi fa-
 teri, civitatem originem suam ex indigentia traxisse pro-
 pterea, quod cum civitas constitueretur & primi Patres-
 fam. in unam magnam societatem coissent, multa ab insti-
 tutis humanis acceperint, quæ plerumque indigentia le-
 vandæ, non vero æque beatæ vitæ inserviebant.

XLVI. Brevibus in hunc modum potest etiam
 quæstio illa solvi, ad naturam humanæ societatis beate in-

Situndæ faciunt alia primario, alia secundo. Etenim Deus condidit homines rectos, probos, simplices, qui, si intra hosce limites sese continuissent, etiam citra magnam aliquam societatem, qualis civilis est, feliciter vivere potuissent. At postquam ab illa primæva virtute multum est discessum & homo homini insidiari, imo vim inferre coepit, ex eo ad vitam felicem ampliori societate opus fuit, qua & vis arceri & cupiditati jam in morem tractæ potuit satis fieri. Itaque relictis vicis & villis civitates conditæ & habitatæ fuerunt. Verum & hæc quoque felicitati obtinendæ sine discrimine pares non fuisse postquam magno numero homines injuriæ alijs inferendæ causa in unum coire coeperunt, ut adeo alibi magnæ, alibi parvæ civitates vitam sic satis felicem degere potuerint. Ut concludamus, civilis societas est ex naturæ instituto, & non est. Hoc quidem, si primævos mores spectes, nec enim ij exigunt, ut actu ejusmodi societas ineatur: Istud, si mores attendas posteriorum seculorum, quippe cum vita humana citra civitatem salva ampliùsse nequeat.

XLVII. Cognata huic quæstio est, an homo sit animal natura civile, h. e. an homo instinctu naturæ feratur ad societatem civilem colendam? De qua antequam mentem nostram plenius explicemus, duas præmittimus cautiones: Una est: Si maxime homines sunt *ζῷα πολιτὰ*, ij tamen qui se certæ alicui civitati non addixerunt, in jus naturæ nihil committunt, nam virtutem humanam supergressi ad naturam Deorum quam proxime accedunt, fatentē hoc *c. 2. Aristot.* In hanc classē referendi sunt Anachoretæ, Hesychitæ, quales olim frequentes fuisse notissimum est. Quin & Patriarcharum exempla id confirmant. Sub hanc vero considerationem non cadunt ij, quos feritas immanis, & agrestis si sylvestris vita ita delectat,

At, ut propter eam sponte à civili societate se abstineant,
 hi enim majorem cum belluis, quam hominibus habent
 affinitatem. Altera. Excusationem etiam mererit eos, qui
 ante civitates constitutas perfectionem suam naturalem
 in vicis s. familijs tantum quærebant, nam instinctus seu
 appetitus iste naturalis tantam certe vim non habet, ut
 per se hominem ad colendam societatem excitare possit,
 nisi prudentia & ratione perficiatur. Vnde Aristot. *in f.*
cap. 2. postquam à se demonstratum esse dixisset, homi-
 nem animal esse natura πολιτικόν, subjungit: *Hac quidem*
ita se habere, attamen eum magnorum bonorum autorem huma-
nogeneri extitisse, qui primus civitates instituit, adeoque (ut
 Doctiss. Viri interpretantur) ratione hunc instinctum ex-
 pleret, & bona ista hominibus ostenderet, ad quæ illi ap-
 petitum sibi inditum esse animadverterent. Duce etenim
 opuserat, ut qui nos, quo natura ferebamur, eodem con-
 gregaret.

XLIX. Præmissis istis cautionibus, quæstionem cum
 Aristot. affirmamus. Is ut probaret principium istud, cui
 magnam Politices partem superstruxit, ejusmodi adducit
 citato loco argumentum. Quodcumque animal à natu-
 ra omnium optima instrumenta ad colendam civilem so-
 cietatem accepit, illud natura est civile. A. homo accepit.
 E. Min. probat à concessio sermone, quod etsi alia anima-
 lia voce molestum & jucundum significante sint instructa
 (molesti enim & jucundi sensum habent animalia) solus
 tamen homo sermone utatur, quo utile & inutile, justum
 & injustum innuere posset. Idque ut magis illustret, con-
 tendit hominem cum animali omnium maxime ad socie-
 tatem proclivi, apibus scilicet, in quibus simulacra Regis,
 imperij & institutorum deprehendi Piccastus ibi excitato

Aldrovando docet. Quibus plane gemina sunt, quæ Cicero l. 1. de Offic. tradit: *Vt apum, inquit, examina non singendorum favorem causa congregantur, sed cum congregabilia natura sint, fingunt favos, sic homines, ac multo etiam magis natura congregati adhibent agendi cogitandique solertias.* Maj. suam probat Aristot. quoniam nihil natura facit frustra, hominem autem frustra loquendi facultate fuisse instructum, nisi eo aliquando in civili conversatione uteretur. Verumenimvero Aristotelis argumentum vim *ἀποδείξας* non habet. Non enim sequitur: Si homo sermone in civili societate non utitur, utique frustra eum accepit; nam sermo magno usui, etiam in primis societatibus est, & fuit olim patribus vicatim habitantibus. Nam & in minoribus societatibus utili & inutili, justo atque injusto locus est, adeoque in illis utique reperietur id, quod ad innuenda ista homini natura, vel autor naturæ dedit.

XLIX. Nos igitur aliunde sententiæ nostræ fundamentum, quamvis ex eodem Aristot. nostro petimus, quod, ubi modo ad syllogismi nostri probationem devenimus, dilucidum fiet. In hunc autem modum argumentamur. In quacunque societate homo proprium suum munus omnium optime & commodissime perficere potest, ad eam colendam utique natura ei dedit appetitum. Major hæc innititur huic prosyllogismo: Si natura semper ad rei alicujus perfectionem connititur, utique etiam ad munus proprium rite obeundum stimulabit hominem. A. verum prius. E. & posterius. Minor jam constat experientia, nam natura in rebus naturalibus est & appellatur rerum istarum perfectio, & quamdiu res adhuc suam perfectionem desiderat, tamdiu non habet integram istius speciei naturam. Et vero ita

in universum se res habet, ut natura quidem res perfectas producat, quæ tamen postea labentibus annis & invalescentibus vitijs corrumpi, atque à prima eaque naturali perfectione desciscere soleant. Quod ipsum innuit Aristot. 1. Polit. c. 3. ubi ait: *Quod ex natura, magis ex iis spectari debet, quæ secundum naturam sunt effecta, & non ex depravatis*: Iam vero utut alijs à natura id datum negaremus, nobilissimæ certe creaturæ injuriam inferremus, si eam à natura penitus destitutam esse arbitraremur: Nunc ad minorem syllogismi nostri. A. in civili societate homo omnium optimè & commodissime munus suum proprium perficere potest. Ad minoris probationem duo requiruntur (1) ut sciamus, quod sit munus hominis proprium, & (2) An illud in civitate omnium optimè & commodissime perficere possimus. Est autem munus hominis proprium secundum virtutem vivere, uti peregre demonstrat Aristot. 1. Eth. 7. Alterum facile per se manifestum est, nam justitia universalis est virtus perfectissima, ea autem ferme in sola civitate locum invenit 5. Eth. 1. E. ad civilem societatem homini natura indidit appetitum. Eleganter Buchananus in Dial. de jur. Regn. ap. Scot. *Ea est quædam natura vis, non hominibus modo, sed mansuetioribus etiam animantibus indita, ut si maxime absint utilis illa blandimenta, tamen cum sui generis animantibus libenter congregentur. Homini certe à natura hanc vim tam videmus alte impressam, ut si quis omnibus iis rebus abundet, quæ vel ad incolumitatem tuendam, vel ad voluptatem & animorum oblectationem comparata sint, sine hominum commercio vitam sibi insuavem sit existimaturus.* Hæc de ista quoque quaestione dicta sunt, & quidem ex Aristotelis potissimum mente: nam accuratius quæ dici possint, facile patet ex thesi XLVI.

L. Superest nunc, ut maximè præcipua quæ ad-
huc lucis aliquid nostræ disputationi afferre possunt, &
quæ vel tetigit Aristoteles, vel vero intacta reliquit,
adjiciamus: quo si defuncti fuerimus, epilogi vice de uti-
litate civilis societatis pauca disputabimus. Mover Aristo-
teles. *Polit. c. 3.* quæstionem, an acta & contractus initi
rep., seu summa majestate, civitatem, pereunte ista
Rep. adhuc obligent? ipse autem quæstionem proposi-
tam non decidit quod contra negantes ex ultimis c. 2.
verbis liquidò ostendimus: habent hæc ita: *εἰ δὲ δίκαιον
διαλύειν (συμβόλαια) ἢ μὴ διαλύειν, ὅταν τις ἐπὶ τῇ μεταβάλλῃ πο-
λιτείᾳ ἡ πόλις, λόγῳ ἐπερ:* *sit ne justum nec ne, id quod ex
conventionione debetur, dissolvere, obligationisq. contracta satisfac-
cere, cum in aliam remp. civitas transacta sit, non est hujus loci
disputare.* Exinde autem quod Aristoteles ipse quæ-
stionem in medio reliquerit, res tota mire & varijs di-
stinctionibus fuit impedita, & nunc magnâ laborat dif-
ficultate, ut fermè in ijs, de quibus Aristoteles noster si-
let, accidere solet, uti aut paucis, aut satis perplexe tra-
dantur.

LI. Nos ne nimis longe à materia nostra abeamus,
digitum tantum in quæstionem hanc intendemus. Ad
id autem, uti quis hac de quæstione certi quid determi-
net, necesse est, jura majestatis in populum istum, de quo
quæstio est, percallere, & simul generalia ex Aristotele
nostro præcepta de differentijs rerump. in genere ac spe-
cie cognita habere, atque huic tractationi præmittere.
Vnde vix fieri potest, uti tutam late patentem, & pro mo-
do & varietate rerump. diversam disputationem certis
regulis includas. Distinguunt quidam quod si actus uti-
liter gesti sint, tum pereunte etiam rep. civitatem ni-
hilominus

hominibus teneri si inutiliter nequaquam : Hos
cum sua distinctione *l. 2. c. 14. 11. 12. de jur. b. & p.* re-
ferat Grotius, & majestatis in administranda rep. po-
testatem ad naturam negotiorum gestorum exigen-
dam esse negat, duabus de causis (1) quod hac ratio-
ne curus tantum negotij spectetur, qui in rep. pro-
pter rerum gestarum magnitudinem & varietatem,
propterque humanarum rerum inconstantiam an-
cepti esse potest, quantumvis majestas optimo consi-
lio negotium gesserit (2) quod ipsi reip. esset pericu-
losum, ad tales angustias imperantem redigere, quin
ipsis subditis modestum. Unde in dubio id non sen-
sille credendus est populus, cum detulit imperium.
Quapropter Grotij sententiam amplectimur, qui di-
stinguendum putat, dum actus sive contractus sum-
ma potestatis probabilem habeat rationem nec ne.
Isti casu ex contractibus istis etiam civitatem teneri,
& sive obit, sive prosit civitati, locum habere illud
(salva tamen proportionem) ex *l. 14. de pact. Magistris
secretaris patiens secretari prodesse & obesse*. Hoc
casu non obligari civitatem, veluti I.L. ista, quæ aut
injunctum quid jubent, aut nimis multa & absurda
sunt, subditos non tenent. Loquitur autem is de
jure isto, quod ad naturam & gentium instituta quam
proxime accedit, juxta quod populus seu civitas sibi
sponte sua summam majestatem imponebat non ve-
ro de tyrannica aliqua conjectare, unde ex hac Viri
summi decisione de alijs casibus facile est judicare. Po-
test fortassis etiam paucis in hunc modum questio
istæ decidi. Contractus aut spectant unice salutem
utius Reipublicæ, quæ obviat tempore contra-

Aut, aut ad illum plane non pertinent, sed ad alium
quendam usum populi ac Civitatis. Priores ob-
servare non tenentur mutata Respublica. Posterioris
non est fas relinquere; quippe cum tendant ad unam
societatis humanæ universalis, nec dependant a Re-
publica, quatenus tali, sed a populo, qui manet idem,
mutata quamvis Republica.

LII. Huic quaestioni immiscet aliam Aristoteles
eamque ad prioris quaestionis resolutionem aliquid
momenti habere existimat, quemadmodum scilicet
civitas eadem vel non eadem sit dicendæ Philoso-
phus postquam ostendisset, id non identitate lo-
rum, vel hominum metiendum esse, concludit tan-
dem his verbis: *quæ si ita se habent, perspicuum est, ut
tunc maxime dici eandem civitatem spectantes temp.*
Quid vero illud est, quod Aristot. aliter sollicite dilu-
git inter civitatem & rep. Quodque alioquin
Politici inter differentias rep. & civitati hanc quo-
que ponant, quod pereunte rep. civitas nihilomi-
nus salva & eadem in voluvis permanere queat. Sic
civitas Romana primum regie instituta est, post
hæc de aysa in Patrum potestatem, quæ post longas
contentione, inter ipsa Decem virorum Oligarchia,
degeneravit in suum, & popularem, donec ad principes
solos retraheretur. Accedit, quod si civitas una cum
Rep., interiret, nulla proponeretur quaestio th.
præced. illius. Cum enim mors omnia solvat, quor-
sum opus foret dubitatione an ex pactis & actibus
civitas mortuateneatur? Ex quibus omnibus appa-
ret, ambigua Aristoteli verba plane alio sensu a qui-
busdam accepta, quam ab ipso fuisse prolata. Quam-
docum

do enim quaerit, quemadmodum eadem vel non eadem civitas esse dicatur & quando responderi ad aestimandum, spectando tempus non idem est ac si diceret: eadem manet civitas, quamdiu manet eadem Reip. forma, mutata forma civitas nunciat. Sed distinguit civitates à se invicem per Reip. ut ita sensus verborum iste sit. Civitatum inter se differentia ut scilicet hæc Oligarchia, illa Democratia appelletur non ex diversis hominibus aut diversis locis, sed ex diversis rebus dependet. *Annal. reper. Polit. 1. c. v. Sect. 3. n. 10. 11. 12. & Montec. l. x. c. 14. 3. Polit.* Quod si maxime in prioris sensum capias verba Philosophi, non deest tamen quod excusando ei est Grotio asseramus, qui cum Aristotelis verba isto sensu acciperet, quem à mente ejus alienum esse jam annotavimus, putat Aristotelem per civitatem hic intelligere relationem partium earum inter se quæ regunt & quæ reguntur, *de jure b. & p. l. 2. c. 9. n. 8.* quam mutata forma mutari, & pereunte perire extra dubium est. Quod suo loco relinquimus.

LIII. Denique non alienum ab instituto nostro fore existimamus si pauca de jure quod competit civitati in corpus & bona singulorum civium subiciamus. Quoniam vero tam late se diffundit hæc materia, ut prolixos aliorum commentarios meruerit, summa tantum ejus capita referemus. Ac primo quidem civitas in casu necessitatis invitum etiam civem retinere potest. De quo jure dictum nobis est *th. 24.* contra vero eum abalienare, & se abieciere atque aliorum ditioni permittere videretur minime posse, nam qui in civitatem coeunt, societatem quan-

dam contrahunt perpetuam & voto immortalem, à qua totum partes nequit excludere, cum neque sint sub toto, quemadmodum partes corporis naturalis sub corpore, quæ uti sine vita corporis subsistere non possunt, ita recte etiam in corporis usum abscinduntur. Grotius de jur. b. p. l. 2. s. 6. n. 4. & 21. n. 3. ubi cum Soto affirmat, civitatem non polle civem innocentem salvo jure naturæ pro salute sua conservanda in hostium manu tradere, quoniam civis iste in naturali sua libertate adhuc relictus nullus in se imperium agnoscit. Cæterum qui ita dixerunt, non videntur satis accurate rem definire. Primum enim non attendunt discrimen inter Respublicas heriles & vere civiles. In herilibus enim licere Domino subditum alienare, perinde ac servum aliquem, non est quod dubitemus. Sed unde unusquisque civis salutis publicæ obstrictus est vita & fortuna sua, quod si itaque salus publica totius civitatis ita exigit, quid nō liceat civem alienæ tradere potestati, id quod pluribus disputatum est ab Amplissimo Dn. Præfide. de iur. Imperii Germanici cap. 17. *Secundo* per competiti civitati in civium bonis ut ea pignori obligare atque ad communem salutem per leges cum primis dirigere queant. *Tertio in actionibus*: nulla enim est actio civis, quatenus est civis, quæ non ad societatis usum spectet, aut per consequentiam spectare possit. Etenim omnes cives dum in unam societatem conspirant, unum quid eligere tenentur, ad quod omnes suas actiones conforment, & propter quod in illam societatem convenerunt, id autem est salus publica.

LIII. Restat nunc ultimo loco, ut omittis, quæ de ma-

de magnitudine, sitque civitatis alij hoc loco ex
l. 7. Polit. late sed minus recte & inconvenienter tra-
dunt, in vltim redeamus ad finem *l. Polit. c. 2.* Vbi cum
Aristoteles innuisset, appetitum à natura inditum nō
sufficere, sed duce opus habere, statim bona enume-
rat, quæ ad nos ex constitutione pulcherrimæ societa-
tis redundant, quæ huic argum. ento includi possunt:
Quicumque lege & iudicio hominum improbitatem
coërcuit, is maximo eos affectit beneficio. At auctor
civilis societatis E. Major porro probatur: Quicumque
ex pessimo animali optimum effecit, is maximo id af-
fectit beneficio. At qui lege & iudicio coërcuit &c.
is fecit ex pessimo optimum. Maj. est extra contro-
versiam. Min. probat. nam ad mala quævis ruebat
hominum genus, ut omnia alia animalia malitia
tanto facilius superaret, quanto plura & perfectiora
instrumenta a natura acceperat, quibus in contrarium
uti posset, nim. facultatem ad prudentiam & virtu-
tem, unde & malas artes invenire, & nomen virtu-
tis aliquando venditare poterat: vel, quod eodem
recidit, & idem Philosophus in culcat. *7. Eth. 6.* quia
in homine inest nocendi principium, i. e. ratio, per
quam tamen non nisi facultates naturales intelligi
manifestum est. Iam vero insignem hunc abusum
compefcit lex & iudicium, quibus virtutes præcipi-
untur, & vitia puniuntur. Minor primi nostri syllogis-
mi probatur. Quia lex & iudicium in civitate locum
inveniunt, propterea quod iustitia, ut Aristot. ait, ci-
vile quid sit. Erat quidem cum iuramentis quisq. & uxori-
bus daret, at hoc de istis quidem temporibus concess-
ero, quibus paucitas humani generis, & insignis sim-

plicitas viam nondum ad scelera quævis patefecerat,
quibusve non tam virtutis exercitio, quam vitiorum
ignoratione mortales felices erant. Nemo tamen
inticias ibit, quin ad exercitium virtutum plurimum
interfit, utrum homines in civitate, an in distinctis fa-
milijs & pagis etiam vivant. Adde quod iustitia uni-
versalis, quæ vim suam in sola civitate explicare po-
test, sit perfectissima virtus *5. Ethic. 1. inf.* Quæcun-
que enim virtus non suo tantum possessori, sed alijs
etiam simul prodest, illa sine dubio est optima. A. ju-
stitia universalis. E. Quod si tot tantæque bona af-
fert civilis societas, eam profecto non ad Ethnicum
aliquem principem, aut Oratorem, sed ad Deum
Opt. Max. merito referimus; qui etiam, pro inge-
nio quidem populi, optimæ alicujus civitatis exem-
plar ingente Iudaica nobis exhibuit, ut ideo dubita-
re non liceat, quin juxta Ciceronem *Principi illi Deo,*
qui hunc mundum regit, coetus hominum jure
sociati accepti sint & per-
quam grati.

TANTUM EST





COROLLARIA.

I.

*In omni bene constituta Republica maxime
omnium habenda est ratio Civium Originario-
rum*

II:

*Non est è re bona & vere civilis Reipublica;
ut optimam uxores dotem afferant maritis.*

III.

*Posteriores omnino tenentur ex conventionibus,
quibus majores eorum se hujus aut illius potestati
subjecerunt.*

IV.

*In Germanicis gentibus nunquam obtinuit ple-
na Monarchia, quemadmodum nec hodie illa locum
habet.*

V.

*Consuetudo, qua mariti in aciem prodeuntes
uxores suas secum circumducunt, est omni laude
dignissima.*

VI. Ame-

*Americani non fuerunt tam servili ingenio à
natura præditi, ut hinc crudelitatis suæ excusa-
tionem petere possint Hispani.*

F I N I S

